

四庫全書

子部

欽定四庫全書

子部

萬姓統譜卷九十五至
七

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣高中

謄錄監生臣王宮

欽定四庫全書

萬姓統譜卷九十五

明 凌迪知 撰

去聲

七遇

顧

武陵郡音顧伯夏殷侯國也子孫以國為氏

周 顧安朱

漢

顧綜

字文緯吳人明帝時辟有道歷御史大夫尚書令殿上三老帝舉三代之禮以正月上日踐辟

雍設杖几亡言受誨
吳丞相雍其後也

顧翽

吳人少失父事母孝母好食雕胡飯常帥子女躬自採蘋導水鑿川供養家近太湖湖中乃生

雕胡無復雜草
郡邑表其閭舍

三
顧雍

字元嘆吳郡人從蔡邕學琴書為人寡言舉動時當仕吳歷合肥婁曲阿上虞長皆有治跡還

會稽郡丞行太守事吏民歸服孫權敬之嘗親拜其母于庭後為丞相凡十九年封醴陵侯卒

諡肅侯

顧徽

字子嘆雍弟少游學有才辨孫權召置主簿轉東曹掾權曰今孟德懷異意可揣之拜輔義都尉北與孫相見操具問境內消息徽應

對婉順乃厚待遣還官至巴東太守

顧邵

字孝則雍子博覽書傳好樂人倫少與舅陸績齊名吳孫權妻以凡女起家為豫章太守舉善

而教風化大行能引
拔賢士世稱其知人

顧悌

字子通雍族人以孝悌廉正聞於鄉孫摧時為
將軍父終飲漿不入口三日常以畫壁立條設
神座於下對
之哭泣竟卒

顧譚

字子默邵子弱冠與諸葛恪等為太子四友吳
赤烏中為左節度每省簿書屈指心計盡發疑
謬薛綜以選曹讓譚稱其才照人物德
允衆望後祖父雍卒遂代為平尚書事

顧承

字子直邵子吳孫摧時與舅陸瑁俱以禮徵摧
賜丞相雍書曰責孫令閑休休至與相見過所
聞為君嘉之拜騎都尉後為吳郡西部都
尉與諸葛恪等共平山越累遷至侍中

晉
顧榮

字彥先雍孫父携宜都太守榮神機朗悟與陸
機兄弟同入洛時號三俊拜郎中歷尚書郎廷

尉正俊元帝鎮江東以為散騎常侍

顧衆

字長始榮族弟為王敦從事中郎不從其叛敦平加揚威將軍平蘇峻有功封鄱陽縣伯入為

侍中尚書穆帝立進尚書僕射卒諡曰靖

顧顯

字孟著少有重名嘗以酒勸周顗顗不受顯因移勸柱而語曰詎可便作揀梁自過顗得之欣

然遂為衿契大興中為散騎常侍

顧和

字君孝東族子少有清操王導辟為從事賞其機警咸康初拜御史中丞劾奏左丞戴抗賊汚

百僚憚之尋遷侍中居任多所獻納加尚書令卒贈司空諡曰穆子淳歷官黃門侍郎球尚書

郎孫敦著作郎

顧悅之

字君叔與簡文同年而髮早白帝問其故答曰松柏之姿經霜猶茂蒲柳之質望秋先零

仕至尚書左丞

顧愷之

字長康無錫人博學有才氣嘗為桓溫及殷仲堪各軍謝安深器重之善丹青圖畫每畫

人成數年不點目睛曰傳神寫照正在阿堵耳義熙初為散騎常侍尤信小術以為求之必得

故世傳愷之有三絕才絕藝絕癡絕嘗為虎頭將軍人號顧虎頭

顧祕

大安二年為吳興太守時逆賊李辰起兵江夏祕與南平內史王矩秀才周玘唱義傳檄州郡

以討之賊黨悉降一郡以平

南顧琛

字弘璋吳縣人曾祖和晉司空琛謹確不尚浮華仕宋起家州從事騎馬都尉元嘉中歷義興

會稽吳興太守累遷至都官尚書

顧寶光

琛子善畫全法陸探微大明中為尚書水部員外郎尤善行書卓越多奇王僧虔嘗作飛

白書以示之寶光曰下官今為飛白屈矣

顧初

吳人嘗有牛暴其禾初見牽牛陰涼木下刈芻飼之牛主怛服不敢暴焉

顧覲之

字偉仁吳縣人高祖譙晉平原內史祖崇大司農覲之仕宋為謝晦衛軍叅軍晦愛其雅素俊為山陰令務簡而事理累官吏部尚書覲之常謂命有定分乃以其意令弟子愿作定命

篇

顧憲之

字士思吳郡人覲之孫仕南齊為建康令斷盜牛者人稱神明歷衡陽內史風化大行還

為太尉從事加建威將軍憲之性清直累臨州郡資無儋石及歸環堵蕭然所著詩文并衡陽

記數
十卷

顧協

字正禮和七世孫好學能文沈約覽其策曰江左以來未有斯作歷官西陽郡丞參軍記室梁

天監中拜散騎侍郎協安貧守靜卒無衾以歛諡曰溫子

顧黯

字長鴻吳郡人有隱操齊永明元年徵為散騎侍郎不就

顧歡

字景怡鹽官人年六七歲父使之田中驅雀歡作黃雀賦而歸雀食稻過半父怒欲撻之見賦乃止貧無以受業每于舍後聽人誦書無遺忘者夕則燃松節讀書有孝行母亡水漿不入口者七日廬于墓遠隱不仕南齊高帝召為太學博士不就

顧越

字允南鹽官人祖道堅父仲成俱顯于齊梁越自幼承家學于書無所不讀仕梁為余軍當侍講議論宏遠武帝深重之侯景之亂避難東歸賊數授以爵位不受卒年七十七所著有毛詩

等疏義
四十卷

顧野王

字希馮吳郡人父烜信威臨賀王記室以儒術知名野王精記博識天文地理無不該通仕陳領著作掌史事後為黃門侍郎光祿卿卒有玉篇及輿地志國史記傳文集等書

隋顧彪

餘杭人大業中為國子助教秘書學士所著有古文尚書義疏二十卷

唐顧少連

字夷仲和之遠孫舉進士補登封主簿邑有虎孽移文獄神虎不為害德宗時為翰林學士歷吏部侍郎裴延齡方橫少連挺笏將擊之會解而止轉京兆尹政尚寬簡進吏部尚書卒

謹曰

顧況

字通翁海鹽人在貞元中隱居不仕自號華陽山人善屬文尤以詩名于時白居易少時以詩

投況況戲曰長安物貴居大不易及見原上草篇曰有句如此居亦何難予非熊

顧彥暉

東川節度使王建來攻城陷彥暉不屈自刎舉族皆死

顧雲

池州人少與諸賢肄業九華山文名籍甚登第後杜門著書後起修三朝實錄加虞部員外郎

所著有鳳策聯華編昭亭雜筆共五十卷

顧師邕

字睦之性恬約喜書寡游合第進士累遷監察御史

顧生

大厯中以畫游諸侯之門每畫先貼絹數十幅於地乃持墨汁及調諸彩色各貯一器使數十

人吹角擊鼓齊聲喊叫生著錦襖錦纏頭飲酒
半酣繞絹帖走十餘匝取墨汁攤寫絹上次寫
諸色乃以長巾一頭覆於所寫之處使人坐壓
已執巾角而曳之迴環既遍然後以筆墨隨勢
開決為峯巒
島嶼之狀

五代
顧全武

吳越王鏐武勇都指揮使也將兵救嘉興破
其三寨還守西陵將圖董昌乃先取餘姚降

其令袁邵遂引兵克昌擒之越民惟呼動地先
是蘇州告急鏐命全武舍越赴吳全武曰越固
賊之根本奈何垂克而棄之至是取越乃航海
至嘉興而淮兵圍其城甚急全武一鼓破其十
八營虜其將士三千人遂乘勝取蘇州拔松江
拔無錫常熟華亭諸郡縣而秦裴者守崑山不
下力屈乃降全武宥之稱長者天復元年揚行
出遣李神福攻臨安全武素輕之不為備乃為

神福所擒鏐請於行密願遣秦
襄而還全武行密乃遣歸之

宋 顧方

字正夫升陽人至和四年以進士令象山下車
視事日召父老詢民間利病民有善者勸之惡
者戒之建學舍率弟子之秀者教之親為講解
誘掖使進于學適年政成士民悅服已而遘疾
民為祈禱者以千計及卒百姓
悲哀如喪考妣相與立祠祀之

顧權

字用衡崑山人力學博通羣典為文刻意有
古作者矩度隱居不仕門人謚為靖夷先生

顧忻

秦州人十歲喪父以母病羣辛不入口者十載
每難初鳴具冠帶率妻子詣母室問所欲如此

者五十年母老目不能視物忻日夜號
泣祈天母目忽明年九十餘無疾而終

顧禧

字景繁吳人閉戶讀誦博極墳典著詩甚
富紹興間以道逸薦三十年閉居不出

顧臨

字子敦會稽人通經學長于訓詁皇祐中舉說書科為國子直講元祐初拜天章閣侍歷河北

都轉運使後歷刑兵吏三部侍郎無翰林學士紹聖中以龍圖學士知定州終知開州

元

顧長卿

字子元祖號俊與兄孺履同弟宋嘉定進士長卿少有大志經傳手史無所不闢人目之

為書厨應部使者薦歷安漢南平兩縣學教諭建寧路學正泉州石井書院山長福州路教授長卿雖居官不廢修讀所得俸專為著述費移書助教陳旅責其不作逮金宋三史旅以書示學士虞集曰江南有此秀才大不易得既而長卿恐旅未能任此遂自為之及謁選京師會朝廷開局修三史長卿即以所著藁上中書得辟史屬以議不合移疾出

顧阿瑛

字仲英名德輝崑山人少輕財結客豪宕自好年三十始折節讀書築別業於茵涇西曰

玉山佳處日夜與客置酒賦詩一時四方文學之士咸主其家財雄於吳文雅風流著稱東南嘗舉茂才署會稽教諭不就張士誠入吳欲強以官乃去隱於嘉興之令溪晚閱什氏有悟遂祝髮稱金粟道人洪武初隨其子元臣還臨濠所著詩曰玉山璞棄萃亭館篇詠草堂名勝集

明
顧成

字景韶江都人狀貌魁偉膂力絕人洪武初兵臨和州成仗劍詣軍門命居幕下數從征有功累陞都督僉事及北平兵起軍帥繫成至以先朝舊人得釋成感泣歸歆後以居守功封鎮遠

侯卒追封夏國公謚武毅

顧仲禮

保定人幼孤事母至孝遇歲凶負母就養他郡七年始歸見蝗起食其田苗仲禮泣曰吾

將何以為養乎俄疾風蝗盡去苗得不傷母卒廬墓三年哀慟如初喪洪武初事間旌其門

顧禮

崑山人洪武初以材徵授官刑曹久之工自拔推為侍郎已乃以其家生之例免十一年再徵

侍郎戶部會計出入人以為能進尚書又改刑部方重典刑司寇尤為重任禮守職謹其所當

法未嘗濫

卒於官

顧文昱

蘇州人洪武二年由知州擢廣東行中書省左右司郎中蒞政以勤守己以廉甄別淑慝

均派轉輸修浚城隍訓練士馬賑恤困苦民甚懷之

顧文

字在中長卿之姪孫幼穎敏日記四五千言及長該貫經史時稱博學為文章簡朗秀整有長

卿機軸洪武中以儒士薦為興化府學訓導秩滿連教諭歷任將樂金華九江三邑典文衡于

江西湖廣皆得名士宣德初致仕正統間卒年八十五祭酒李時勉為作小傳

顧謙

字仲謙世為儀真著姓五歲性穎異弱冠博聞強記舉正凝重事母至孝居喪形容骨立人皆

憐之洪武庚辰登進士拜御史按治南詔宣布德意開設衙門夷咸向化賓貢歷通政司叅議

改浙江僉事所至擊奸戢貪舉賢勸士為時名吏能詩所著有魯齋稿愛梅軒集

顧時

國初以同里率先歸附由百夫長陞元帥同知天策衛指揮事調濠梁衛從大將軍北定燕薊

陞副大都督府事無同知太子率府事洪武三年論功進號開國轉運推誠宣力武臣階榮祿

大夫勲柱國職同知大都督府事爵濟寧侯卒追封滕國公謚襄靖葬鍾山西

顧道

字恭復慈谿人善詩資性剛直早失怙能自卓立不隨流俗以行義聞于鄉永樂九年邑令余琯

知其賢薦于朝授右春坊司諫日侍青宮克殫忠藎以疾卒于官賜棺給舟歸葬

顧佐

字禮卿太康人洪武末進士初授莊浪知縣午節會射將官以文士易之佐連發三中關有禮

人由是重之入為監察御史守正疾邪累官右都御史卓有聲譽立朝侃侃不阿綱紀為之振

起時稱為名執法云

顧惟敬

吳縣人永樂中以薦授中書舍人累陞大理少卿初仰瞻得罪同事者意在薛瑄及瞻詞

不及惟敬惟敬曰吾與瑄瞻同事豈可獨罪二人因自請逮治願與俱謫然迄無所坐家居以

禮自持不妄交際

顧斌

高郵人永樂庚辰進士任給事中

顧吳

字與權慈谿人工詩善文永樂壬辰進士文皇帝親選方面重臣授吳江西按察司僉事公廉

仁恕巡歷所至訪察幽隱民間銖兩之姦必達人以青天日之後遼山東叅議恪守清白終始不渝卒于官大理卿夏時正稱之曰俸無十金之積可方古之廉吏

顧孟喬

長洲人正統四年以儒士禮部會試中式引病告歸善治經學遠近聞者皆造門受業七

年方赴廷試志在早退於登科錄官年多占十餘歲授刑部主事丁內艱改戶部扶滿遷郎中求歸省改南京刑部致仕卒年六十一方仕時雖處刑名錢穀之煩不廢傳習經其指教多所成就若工部侍郎沈義兵部郎中王欽輩皆其高弟而太子太傅吏部尚書尹旻乃其家食日親炙者故四方士夫咸仰其善教云

顧昌

正統間以掌故為淮王長史已而遷都尉思恩昌性剛峻務在修潔與人造次無所通久益不

見其懈有所過雖遠必徒返未嘗就人食時有論著亦要歸於節介

顧琳

字汝玉少治春秋善屬文父伯常舉鄉試歿于寇琳始十歲問其母曰大人安在母語之故因

慟哭思以復讐乃白其狀于縣事聞于朝廷正統庚申以歲貢任南京大理寺副疑獄多所平反有徐玉者為閹豎誣罪應死琳核駁之竟釋同官惡其異已使人訟琳琳繫獄吏窮治無所得南臺蕭惟禎馬文昇抗章辨之英廟復位仍舊官未幾乞致仕

顧雄

字時俊通州人成化間進士授戶部主事犒軍遼東大同監守者欲餌以利雄怒卻之轉員外

郎中督江西福建通稅釐剔宿蠹嘗齋糧長勘合如南部部例徵糧長紙賈以供北使筆劄之需雄至革之甫竣事以病乞歸時京兆尹同郡人也卹其貧且虞不測厚有以贈行至揚或致

臚儀皆固卻烏在告時有憲臺造訪適如臯尹
以罪罹憲臺因賂雄祈解雄曰我乃黨汚吏邪
叱出不納其廉
介不苟類如此

顧英

字順中慈谿人由進士知萬載縣素稱難治大
姓多匿田英為清版籍不貸豪右齊民輸賦如
歸陟南御史條陳時宜四事以裨聖政食憲湖
湘清操凜然陞四川建昌兵備副使建昌僻在
西徼前官鮮蒞其地英至土官相率致餽中多
重賄英諭却之戎益感畏土官高世仁拒命奉
教征之不踰月獲元惡西徼即叙竟以剛直忤
時致仕歸田三十年冠履整肅劇談矩步不爽
尺寸性耽書成癖弱冠至老無一日廢有四書
正義南臺奏稿臺中文義通義節要論學新稿
發齋集
若干卷

顧佐

字良弼臨淮人成化中己丑進士授刑部主事出知河間府轉四川副使陞大理寺少卿推都

察院左僉都御史陞右副都御史改戶部侍郎進本部尚書

顧餘慶

字崇善長洲人成化壬辰進士歷郎中

顧達

字存道崇明人成化戊戌進士歷尚寶卿

顧源

字逢原長洲人成化辛丑進士歷都御史

顧鼎臣

字九和崑山人弘治己未進士第一歷官少師禮部尚書大學士謚文康

顧清

字士廉華亭人弘治癸丑進士改庶吉士授編修同館毛澄汪俊羅欽順相與砥礪氣節涵養

德器人謂館局得人清自學士擢少詹事遷禮部侍郎沉黙簡靜一洗吳淞怵薄之習卒謚文

倍

顧伯謙

字有終佐之子弘治壬子科鄉試學本六經博行孝悌未仕卒子承芳嘉靖乙未進士歷

戶部郎中

顧璘

字華玉蘇州人居應天之上元弘治九年進士歷台州知府浙江左布政使為政持大體不屑

小節勤學好書雖官冗不廢務為詩文頡頏名流著為國寶新編高自標致官南京刑部尚書

顧仕隆

字仲勲江都人弘治中嗣鎮遠侯充京營漕運總兵卒贈太傅謚營靖

顧應祥

字惟賢長興人弘治進士累官刑部尚書初歷廣東僉事擒勦海寇雷振等斬首十四百

餘級巡撫雲南經略二十餘疏更定永昌府衛騰越州鳳梧所諸御署築尋甸等府城垣添設

欽定四庫全書

卷九十五

十一

永昌等府縣學師儒申明射禮在刑部奏定大明律例致仕歸卒年八十三贈太子少保著惜

陰錄人代紀尚書纂言歸田詩選授時歷法測圓海鏡唐詩類抄明文集要等書

顧潛

字孔昭崑山人弘治丙辰進士任御史

顧棠

字良愛吳縣人弘治乙丑進士歷副使

顧珀

字載祥晉江人弘治己未進士歷侍郎

顧可適

字子行無錫人正德戊辰進士歷副使

顧天佑

字尚賢武進人正德甲戌進士歷郎中

顧曷

字仲光吳江人正德丁丑進士歷知府

顧濟

字用卿崑山人正德丁丑進士歷給事中

顧陽和

字志仁莆田人正德辛巳進士歷提學副使

顧遂

字德仲餘姚人正德丁丑進士歷侍郎

顧似

字民表四川儀衛司人正德丁丑進士知豐城縣興學校省刑罰治水患築堤岸值宸濠不軌協謀擒獲陞大理寺丞俄遷少卿以大獄事免必為人器度整峻蒞政廉明歷仕所在人甚稱之

顧璵

字英玉璠從弟警悟好學弱冠聲名翕然舉正德甲戌進士累官南京兵部武選郎中故舊一切謝絕璵高自負許恥諧于俗居官常俸外秋毫無取比歸家益窘昕夕不繼處之晏如也嘗

曰貪賄請囑與武斷鄉曲雖略有差等皆非知恥畏義者所忍為

顧可久

字與新無錫人正德甲戌進士授行人歷官廣東兵備副使放歸買田清溪優游卒歲行

人時嘗諫武宗南巡戶曹時嘗議大禮忤世宗旨兩遭廷杖其平生最可重者不肯依附苟合

顧夢圭

字武祥號雍里崑山人嘉靖癸未進士為學憲歷陞江西右布政使以福建按察使疏乞

致仕素有文名處世閑澹官清勤

顧曾唯

字一貫吳江人嘉靖癸丑進士任御史

顧中立

字伯從華亭人嘉靖丙戌進士歷叅政

顧中孚

字伯禎華亭人嘉靖丙戌進士歷叅政

顧存仁

字伯剛號懷東太倉州人嘉靖壬辰進士拜餘姚令以賢徵為禮科給事中丙申歲蜀藩

與閭司詰奏成獄簡注覈治有進用之兆戊戌上書言事忤旨笞之闕下徙為居庸民隆慶丁卯起為南京通政歷太僕寺卿請告卒為人淳厚即之可親然不屑脂常取容方召用於廷顧怙讓優游難哉

顧霑

字少雨海鹽人嘉靖乙未進士歷運使

顧允揚

字懋稱太倉州人嘉靖丁未進士歷知府

顧柄

字文謙常熟人嘉靖丁未進士歷叅議

顧問

字子承蘄州人嘉靖戊戌進士歷叅政弟闕癸丑進士歷郎中

傳清河商音殷相傳說築于傳巖因以為氏

商傳說有賢德傳巖之下有水壞道常使胥靡築之說為胥靡代築以供食殷高宗恭默思道夢帝賚

良弼以象求之遂立為相相傳為今平陸人

周傳祗趙將

漢傳俊字子衛襄城人光武狗襄城俊以縣亭長迎軍拜為校尉累從征伐有功拜積弩將軍雲臺二

十八將中人

傳喜字稚游溫人傳太后從弟好學有志行成帝選為太子庶子哀帝時丁傳二家騎侈喜獨譙退

守節歷遷大司馬封高武侯

傅毅

字武仲茂陵人博學能文以明帝求賢不寫士多隱處嘗作七激以為諷章帝以為蘭臺令史

拜郎中與班固賈逵共典校書文雅顯于朝廷毅早卒著詩賦誄頌連珠凡二十八篇

傅燮

字南容靈州人仕為議郎諒直不避權貴每公卿有闕為眾議所歸

傅介子

義渠人以從軍為官先是龜茲樓蘭嘗殺漢使者昭帝時介子以使大宛至其國斬樓蘭

王首還詣闕下以功封義陽侯

傅寬

以魏五大夫騎將從沛公為舍人從至霸上賜寬封共德君後定三秦剖符封陽陵侯

傅育

北地人為臨羌長隨捕虜將軍馬武等擊羌勇冠諸軍後為武威太守聲聞于匈奴

三國傳

書字蘭石泥陽人介子六世孫伯父選魏侍中尚書

僕射後以功
進封陽平侯

傅彤

義陽人從先主伐吳先主退軍彤斷後拒戰兵
人死盡吳將語彤令降彤罵曰吳狗何有漢將

軍降者
遂戰死

傅僉

魏將鍾會遣將攻鎮陽安關蔣舒將出降曰今
賊至不擊而閉城自守非良圖也僉曰受命係
城惟全為功今違命出戰若喪師負國死無益
矣舒遂帥眾出僉謂其戰也而陰平以降胡烈
烈乘虛襲城僉格
闕而死魏人義之

傅幹

徵仕也劉備初欲襲蜀丞相掾趙戩曰劉備其
不濟乎拙于用兵每戰則敗奔亡不暇何以圖
人幹曰劉備寬仁有度能得人死力諸葛亮達
治知變正而有謀而為之相張飛關羽勇而有

義皆萬人之敵而為之將此三人者皆人傑也以備之畧三傑佐之何為不濟

傅瑗

靈州人以學業知名與郝超善官至安成太守子亮迪

晉傅咸

字長虞父玄自靈州徙泥陽咸風格整峻識性明悟累遷御史中丞兼司隸校尉時稱其勁直

忠果端亮可貴

傅祇

字子莊咸從弟泥陽人性至孝才識明練武帝時拜太子舍人累遷散騎黃門侍郎嘗為滎陽

太守造沉菜堰永無水患百姓為立碑後以功封靈川侯加右僕射中書監

傅玄

字休奕為御史中丞每有奏劾或直日捧白簡整簪帶踈踊不寐坐而待旦于是貴游攝伏臺

風閣生

傅渾

仕為襄邑令江革頌云乃冰其清乃玉其白
風抗其高雲垂其澤君有遺愛民有遺思

傅彪

石勒命與賈蒲江軌
撰大將軍起居注

南傅亮

字季友靈州人瑗子博涉經史尤善文辭義熙
中累官中書黃門侍郎宋武帝受禪封建成縣

公入直中書
省專典誥命

傅迪

字長猷亮兄仕為右丞廣讀書
不解其義劉柳云卿可謂書獃

傅伏

泰安人仕北齊以戰功累遷東雍州刺史周克
荊州遣人以其子來招降伏曰事君有死無二

北兒不忠不孝願即斬
之後聞後主已獲乃降

傅弘之

字仲虞祇四世孫侗儻有大志仕劉宋歷位
太尉行參軍武帝北伐弘之與扶風太守沈

田子等軍人自武關及歸赫連勃勃追躡之弘
之躬探甲冑大敗于青泥兵敗陷沒叫罵不屈
殺被

傅昭

字茂遠靈州人七世祖咸晉司隸校尉昭初仕
南齊為學士梁武帝素重昭以為給事黃門侍

郎歷左戶部尚書安成內史昭蒞官嘗以清淨
有政居朝廷門無請謁博極古今世稱為學府
傅琰 字季珪靈州人父僧祐宋山陰令有能名琰歷
武康山陰二縣令並著能名二縣皆為之傅聖
賜爵新亭侯延徽
中遷尚書左丞

傅緯

靈州人七歲誦古詩賦至十萬餘言長好學能
屬文居母喪哀毀骨立仕陳為秘書監右衛將

軍兼中書通事舍人掌詔
誥下筆輒成未嘗起草

傅彪

瑛子為官亦有能名後為吳邑令別建康令孫

庶庶因問曰聞丈人發奸擿伏惠化如神何以

至此答曰無他也唯勤而清清則憲綱自行勤

則事無不理憲綱自行則吏不能欺事自理則

物無疑滯欲不理得乎後梁武帝天監中為建康令復有能名

傅隆

字伯祚亮從兄少孤貧有學行義熙中年四十

為孟昶建威叅軍元嘉中為御史中丞甚得司

體直之

字景平梁武帝除始新令縣人有因鬪相毆而

死死家訴郡郡錄其仇人考掠備至終不引咎

郡乃移獄于縣岐即令脫械以和言問之使即

首服法當償死會冬節至岐乃放其還家獄曹

掾固爭曰古者有此今不可行岐曰其若負信

縣令當坐竟如期而反太守深相歎異遽以狀

聞岐後去縣人無老少皆出境拜送號哭聞數十里

傅融

清河人性豪俠有三子靈慶靈根靈越並有才力融頗自負謂足為一時之雄嘗謂人曰吾昨夜夢一駿馬有人曰惟靈慶堪乘又有弓一張人曰惟靈根堪彎又有數紙文書人曰惟靈越能解好事者然之故豪勇士多相歸附

傅豎眼

清河人魏明帝時歷加散騎常侍西征都督性至清素不營產業衣食之外休祿粟帛皆以饗賜夷首振恤士卒撫蜀人以恩信為本保境安人不以小利侵竊有掠蜀人入境者皆移送還本檢勒部下守宰肅然遠近襁負相率欵謁仰其德化思為魏人矣宣武甚嘉之

傅映

字徽遠昭第三歲而孤兄弟友睦修身勵行非禮不動始昭之守臨海也陸倕餞之賓主俱懼

日暮不返映以昭年高不可連夜拉樂乃自往
候接同乘而歸兄弟並已班白時人美之歷吳

興太守

傅永

字修期清河人有氣幹拳勇過人仕元魏拜中
書博士帝曰上馬能擊賊下馬作露布惟傅修
期

唐

傅奕

鄆縣人仕為太史丞時國制草具多仍隋舊奕
稍更之嘗上疏詆浮圖法武德九年太白晝見
秦分奕言秦王當有天下帝以奏付王及太宗
即位召賜食謂曰向所奏幾敗我自今無有所
諱

傅良弼

字安道清河人以射冠諸軍博野樂壽介范
陽成德間每兵反先薄二城故常為劇叱德

宗乃以良弼守樂壽王廷湊之叛誘之使附而
良弼堅壁為國固守有詔以樂壽為左神策行
營拜良弼為都知兵馬使俄又以為沂州刺史
良弼率衆出戰力乃得去天子以良弼忠有狀
更賜奴婢服馬召為左神策軍將
軍寶歷初擢夏綏銀州節度使

傅仁均

白馬人初言歷者惟仁均最精密仕至太史令

傅大士

生傳宣慈家娶劉氏嵩頭陀命臨水觀影乃見圓光寶蓋大士而悟梁天監中講經九鳳

下山

傅忠孝

仕為太史令以知星顯

傅師

字子言治春秋扶工書有指法舉進士權德輿於門生中推為顏子入翰林為學士歷尚書右丞

傅詢

字誠之亦能文清粹端美如神仙中人會昌初第進士歷昭義節度使

宋

傅思讓

信都人有勇力善騎射太宗時累官至平州刺史奉詔破契丹兵于唐興口四遷為容州

觀察使知莫

州移隴州

傅俊

襄城人光義狗襄城俊以縣亭長迎軍拜為校尉累從征伐有功拜積弩將軍

傅堯俞

字欽之鄆州人十歲能文未冠舉進士為監察御史裏行時仁宗春秋高皇嗣未立堯俞

請建宗室之賢者哲宗時拜中書門下侍郎及卒宣仁太后曰傅侍郎金玉君子也嗟惜久之

傅霖

青州人少與張詠同學霖隱不仕詠既顯求霖者三十年不可得及詠知陳州乃來謁閤吏白

傅霖詠請見責之曰傅先生天下賢士吾尚不得為友汝何人敢名之詠問霖昔何隱今何出

霖曰子將去來報子爾
翌日別去後一月詠卒

傅揖

字元通仙遊人治平中進士徽宗朝為中書舍人時曾布當國自以於揖有汲引恩冀為之用

揖畧不傾下凡命令及用人不當悉廷論之又每以遵祖宗法度安靜自然勸帝後見時事寔

興知禍之始此求去以龍圖閣待制知博州卒

傅卞

景祐中為國子博士與王陶趙彥若孫洙並任館閣編校書籍治平中知諫院除寶文待制

傅察

字公時濟源人堯俞從孫端重有持操為文溫麗舉進士蔡京欲妻以女察拒之初調青州司

法叅軍宣和中以吏部員外郎使金不屈死贈徽猷閣待制謚忠肅

傅佇

字凝遠仙遊人宣和元年進士授無棣主簿調南安縣丞歲大饑民棄妻子相屬佇請出常平

倉錢設安養院食之民不失所明年歲豐悉訪所親歸之還知晉江縣會治戰船佇躬督其役勞費半他邑而事獨先辦張浚聞于朝特減磨勘二年除茶司幹辦公事

傅知柔

輯從孫宣和中登第調循州推官賊曾少龍入境救民造兵具傷死者百餘人賊大潰城賴以全事聞擢知龍巖縣虔寇竊發聞其威名獨不敢犯境及去遂肆焚掠調泉州僉判帥臣撤捕海寇知柔出幟以示寇即降終朝請即福州僉判

傅裔

承議郎知縣事兼管學事勸農公事兵馬都監及管縣界河塘溝洫事武騎尉

傅墨卿

字國華以大父傅正恩補太廟齋郎宣中以禮部尚書持節冊立高麗王措有功還賜同進士出身建炎中守正奉大夫致仕墨卿凡三使高麗所過郡縣輒為守令道上德意以寬

宥為務官吏有責罰編置亦貸除之高麗至今
有廟祠初墨卿尉江都往來山陽深為節孝處
士徐積所知人問積所為墨卿者積曰方欽聖
升選楚之官吏寓客皆集服臨郡廷下惟傳尉
稱哀吾以
是賢之

傅崧卿

字子駿墨卿從兄弟省試第一擢甲科累遷
考功員外郎方士林靈素得幸造符書自三

公輔臣以下皆從靈素師授崧卿與曾幾獨不
行被譖出為鄂州蒲圻縣丞高宗召為中書門
下省檢正諸房公事詔問建都就便崧卿以建
康建國宜定基本以濟中興為對北敵渡江工
自越將幸四明崧卿為浙東及衢信州防遏使
明年知越州金師大舉入寇高宗將親撫六師
崧卿入對言留都管籥劬郡輔翼當及鑒與未
發亟圖之庶無後慮上稱善進給事中自國家

多事常慷慨欲以功名自見與客言及國事輒憤訖或至流涕覽鏡見齒髮衰落歎曰吾遂無以報國家而死乎未及大用而卒時人惜之所著有樵風溪堂集六十卷西掖制誥三卷其夏小正傳最行于世

傅淇

字元瞻仿子紹興進士除太府少卿輪對乞擇端謹誠慤之士以備宮僚工從之歷宗正少卿直龍圖閣贈甫田縣開國男

傅零

臨江人為從侍郎改宣教郎建炎中初任工部侍郎使于金國其語詞有曰庶爾一言之合成吾兩國之惟識者知高宗之意在于講和矣

傅自脩

字勤道察次子紹興中監泉市舶務扶滿務之宿弊十去八九後番商為貪吏所困號泣

岸下或詰之對曰昔官有鬚而白者主我故多
載今不見凡官人者吾輩所載衆奪殆盡聞于
朝由福建撤幕除提舉福建市舶推警之民舉
手相賀知潮州海寇猖獗自脩招降之請于朝
籍為水軍賴以控扼海道
累官直寶文閣將漕江西

傳惟肖

字應求南安人紹聖末上舍釋褐知清江縣
屬歲歉發倉賑濟饑民遇糴者攘奪之巡尉
希賞欲以強盜論惟肖笑曰迹則似矣顧未嘗
結徒侶操兵械奈何加以重辟由是全活者衆
子倘為潮州錄參黜上供耗銀民德之知肇慶
府南山有紫石可為硯屬縣以石工占胥每慮
數十倘悉
斤去之

傳伯成

字景初察之孫少從朱熹學登隆興初進士
第累官集英殿修撰知建康鎮江府皆有善

政理宗時以寶謨閣學士奉祠伯成純實無妄
每稱人善不啻如已出語及奸邪則詞色俱厲

不少假借卒年
八十四謚忠簡

傳康

字仲良伯成之子以父任知古田縣捐胥匿簿
書賦入日少康籍其家出所匿覆得實邑計以
饒為司農寺丞知汀州時凡壅守漳其父往來
就養鄉人榮之徙南劍發奸槪伏吏不敢欺累
進司農少卿兼左司諫熟典章工
甚材之晚知袁州直徽猷閣致仕

傳自得

字安道濟源人少負文名三應博學宏詞科
光褒序其文集云英偉蓋世之才超邁不羣
之器不能與世俯仰其文骨格雄壯波瀾浩博
有至樂齋文集淳熙中為宣城太守二子伯壽

伯誠聯第伯壽仕至樞密伯
誠仕至侍郎除集撰知建寧

傳績

字子玉鉛山人應進士會舍法行不忍棄其親棄所業歸養尤樂於義歲歉率先發廩濟之歲

以為常人稱傳長者紹興初賊至相戒不敢犯

傳求

字命之考城人進士甲科歷梓州路轉運使夷寇合江求馳往按所以狀乃縣吏冒取播州田

獠而叛即黥吏至嶺南患遂息事聞進秩徙陝西關中行當十鐵錢盜鑄不可計求請變法時

州縣以散二百八十萬緡亟下令更為當三民出不意蕩產失業多自經死然盜鑄遂止自康

定用兵移稅輸邊民力大困求令輸本州而轉錢以供邊糴民受其惠而兵食亦足召為戶部

副使累遷龍圖閣學士權開封府

傅子雲

字李魯金谿人學以明善知本為先言行動中規矩嘗主既寧簿決訟必傳經義人服其

學有易傳論語集傳中庸大學解
孟子指義離騷經解并文集行世

傅誠

字至叔仙遊人洪孫嘗從朱文公游淳熙中登
第初除國子博士遷太常輪對深憂國勢不振

力勸寧宗奮起治
功歷司封郎中

傅大聲

字仲廣仙遊人淳熙進士通判道州適寇起
大聲調發治軍奮力鏖戰賊皆潰去尋知州

事百姓聞城
呼曰傅父

傅大詢

字公謀宜春人詩人飲月云酒滿金樽月滿
輪月沉輪影在金樽更深坐久詩喉渴一舉

金樽和
月吞

傅汶

字元魯以父佇蔭補官初調清流縣尉捕盜改
知將樂縣時朝廷以軍興需僧責之縣他邑視

民產均敷之汶即遣吏齎度牒往三山減直而
售官出餘直以足數尋倅廣州帥司馬伋以捕
盜賊滿三獄申審覆奏動淹數月為慮汶曰容
某以三日辦之帥以為喜汶退召獄吏具見禁
劫盜分三類引鞠具得其情知貴州郡僚月俸
積壓汶至悉撥錢還之帥張南軒聞之祇此一
節便見施為遂率部使者交薦而司馬伋召還
亦力薦之遂除提舉江西茶鹽繼知德慶府所
至以仁政稱
終朝請大夫

傅瑾

字公寶汝陰人任蔡州助教力學強記尤邃字
韻奉先克孝與隣喜施嘗教李端愿尚名節養
器識為先卒有字林補遺十二卷音韻管
見三卷聞見錄十卷藏家有端愿墓序銘

傅壘

字仲珍伯成子泉州人嘉定三年以宣教郎知
崇安縣事聽訟得情吏不敢欺增築趙抃舊堤

以過水患創均惠倉以備荒益學田以養士建祠宇以祀朱熹立義塚以葬露骸仕至都官郎

中今祀于學宮

傳烈

字永仲晉江人以易學名家慶元擢進士歷惠州教授歷知循州民懷其惠

金傳霖

玉田人第進士累官至崇義軍節度副使行部臨潰沒於兵子輔之亦第進士授榮陽令元兵

壓境抗節不屈死

元傳常

字仲常鉛山人舉進士調餘姚判官常視州符剖決沮滯吏民翕然服之至正秋海上有警宣

聞撤常偵賊定海而常所受徒民兵與賊遇弗敵死之仲常居官有水藥聲戎之役借人一短褐以徃其在海上念其母氏每泣數行下蓋本忠孝廉潔之士寔不知兵乃與之一振禦重寇

徒妻之死世皆惜之常之母
及其兄不能歸因以為家

傅起巖

汾西人初為丞相掾歷西臺治書陞中書左
丞知經筵事後拜臺中丞多著勲績卒謚正

獻

傅立

德興人通皇極數學為集賢大學士有文名
卒謚文懿子巖卿為秘書少監集賢直學士

傅若金

新喻人少貧刻勵于學能文章嘗游京師虞
集見其詩大嘉稱賞揭傒斯亦稱其詩高出

魏晉下不
失于唐

傅定保

晉江人六歲能解大學事母至孝大德初用
薦為漳州學正首以太極圖西銘講說聽者

悅服號古
直先生

明傳獻

松滋人吳元年授江西行省官陳友諒既平推中書省左丞歷叅知政事與李善長定律令奉

上德意務從簡當洪武元年以上郊廟議時近京師火四方水旱相仍上諭修省獻以天心仁愛

為對引罪自己於是詔中書省及臺部集耆儒講求彌災事宜

傳鐸

內黃人早有才識由太學生歷官勤能陞至戶部左侍郎

傳復

和順人洪武間由國子生授吏科給事中才能著稱累官浙江左布政使

傳藻

義烏人博通經史善詞章洪武中侍東宮編纂春秋始末二十卷累官至河南按察使

傳友德

直隸宿州人國初歸附累功封永昌侯進封潁國公兼太子太師生胡黨暴卒子忠尚壽

春宮主為駙馬都尉停嗣明興猛將雲從功倍雲臺而六王最著其以驍勇稱者莫如開平次

則傳穎國耳觀下蜀梯滇踰險隘涉荒遠席卷
馳馳譬之良駿超軼絕塵而造父為御奮迅騰
驟一日千里其用兵方畧
悉稟廟算是宜泛駕者哉

傳中

字景華臨川人少習儒以春秋應進士舉不中
遂放情山水遇異人授以太極數學王師下豫
章鄧愈薦之召中至對稱旨上伐陳友諒中從
行事多奇中為人捐介寡與人言嘗戴鐵冠人
因號曰鐵
冠道人云

傳道

字士行錢塘人洪武中任德化縣丞清介自持
搗二童隨任時偽漢初平民亂野荒道力輯和
遂獲成效卒于官貧不能
歸乃葬城東欽天山之麓

傳衡

洪武中平陸縣典史涖事明敏
贊治公勤以績最陞監察御史

傳啓讓

石首人永樂進士授河南僉事清慎有為吏畏民服嘗奏築隄以禦河水民皆德之官至

大理寺少卿

傅淳

字伯厚慈谿人家世業儒父時偕以道學鳴于鄉淳能傳其家學鄉人稱爲退密先生有洪範

數言性理叢說大學補畧視志箴藏于家

傅吉

大成人以通經領鄉薦永樂中擢監察御史剛直有爲陞陝西按察司副使

傅海

威縣新臺社人正統間父歿廬墓三年不容妻子相見蓋祠堂一所安父母畫象晨昏奉奠夜

有虎來進墳海正色視曰爲我父母生死不恤語畢虎遂去人以爲孝行所感有司奏聞旌表

傅恭

分宜人正統末建寧主簿沙寇境民多被其脅從丞典以下皆適去恭獨挺身護縣事率民兵

惡力保障反覆以利害開論
其民民于是鮮有從亂者

傅瀚

字曰川新甯人天順進士歷檢討春坊諭德時
方士李孜省為通政侍經筵瀚進講極言汰冗

官歷禮部尚
書謚文穆

傅實

字璨輝豐城人天順
甲申進士歷參政

傅汝舟

字木虛閩邑人游遍吳會荆襄以迄齊魯及
于百粵素善養生之術兼曉黃白見者驚為

異人其詩亦
每亟稱於人

傅珪

字邦瑞直隸清苑人成化丁未進士改庶吉士
授編修仕至禮部尚書致仕卒贈太子少保謚

文毅珪朴端諒直自檢甚嚴孝友之行孚于鄉
曲正德中前則劉瑾以慘行其毒中則張永以

巧弄其惡終則張忠張雄錢寧江彬以愚暴肆其妄士靡靡矣全臣節者大學士劉忠尚書傳

珪及牟錦衣

斌三人云

傳啓

字思明少師揖之後也啓為人忠信不欺循循雅飭頗有古人風度成化間以太學生除寶鈔提舉時鈔已停造而官特虛設啓心恒歛然以戶位素餐為愧鄉有仕于京者舉家病疫人罕到其門啓日夜往視之為之燃藥煮粥終始不渝後啓亦染疾夫婦俱歿于京邸知啓者莫不高其行而痛惜之潮州太守同郡吳繹思為護其柩以歸

傳希說

字商后成化丙戌進士歷按察使

傅鏞

字希準廣寧人正德辛未進士歷都御史

傅頤

字師正馮陽人嘉靖壬辰進士歷南京戶部尚書

傅鳳翔

字德輝應山人嘉靖癸未進士知上蔡城拜監察御史歷參政進食都御史巡撫甘肅江

西進右副都御史巡撫陝西進戶部左侍郎督宣大餉改兵部協理戎政鳳翔性豁達才復通敏初築上蔡城區畫不擾民生祠之按江西浙江歷撫甘肅陝西及督餉佐戎所至大著風畧居家孝友處鄉以信義見稱卒

傅應詔

字起巖南鄭人嘉靖乙未進士歷參政

傅鳴會

字汝嘉靈壽人嘉靖庚戌進士歷給事中

路

內黃商音黃帝封其支子於路子孫以國為氏又望出京兆潁川

漢路溫舒

字長君鉅鹿人舉孝廉昭帝時守廷尉史宣帝即位溫舒上書言宜掃亡秦之失尊文武

之德省法制寬刑罰則太平之風可興宣帝嘉納累官臨淮太守治有異績子孫皆至守牧

路博德

為右北平太守從霍去病有功封符離侯

路粹

字文蔚陳留人少學于蔡邕後為軍謀祭酒

三路述

夏侯淵攻平陽京東太守路述力戰死之

南路去病

冠氏人儀表魁異仕北齊為殿中侍御史彈劾不避貴戚以正直知名人隋卒于冀州縣

令

路儵如

事梁孝王侍遊于忘憂之館為鶴賦

路邕

仕元魏為魏郡太守涖政清勤出家衆賑民遷南壽州刺史閼與張詢宋世景等同閼

路秀

齊王同封為小黃公

路恃慶

字伯瑞陽平清淵人祖綽為陽平太守恃慶有幹用與廣平宋翻俱知名相州刺史李安

世竝表薦之太和中除奉朝請恃慶與從兄文舉有才望因推讓之高祖遂竝拜焉累遷定州河間王琛長史琛貪暴肆意恃慶每退苦言諫之

路景略

起家中書博士太和中尚書郎本部中正出為齊州魏郡平原二郡太守卒

路雄

字仲略容貌偉異以軍功為給事中高祖曾對羣臣云路仲略好尚書郎才僕射李冲云其人

宜為武職遂停轉大尉咸陽王錄事參軍遷伏波將軍奉車都尉卒贈頓丘太守

路法常

幼而修立為郡功曹早卒儀同李神雋與之有舊每云諸路前輩中有路法常足為名士

謂必遠至而竟無年
天下事誠難知也

路仲信

性嗜學為太尉叅軍尋遷奉車都尉開府掾章武王融之討葛從榮也仲信時為都督府

長史融敗殺仲信
遠亦免去

路思令

字季雋初為廣陽王司空叅軍尚書左民郎轉右民時天下多事思令乃上疏尋拜假節

征虜將軍陽平太守假平東將軍都督時葛榮遣其清河太守據季虎高唐城以招叛民思令乃命麾下并率鄉曲潛軍夜往出其不意遂大破之徐乃收衆南還又詔思令并領冀州流民及葛榮滅還鎮平原後除征東將軍金紫光祿大夫轉衛將軍右光祿大夫

唐

路敬淳

臨清人少志學足不履門居親喪倚廬不出者三年後擢進士遷崇賢館學士數奉詔纂

輯慶卹儀典及著衣冠系錄等書百餘篇弟敬潛少與敬淳齊名官至中書舍人

路巖

字魯瞻冠氏人累官戶部侍郎同平章事尋出為劍南西川節度承瑩寇邊後巖撫循置定邊

軍於邛州扼大渡河故關由是諸蠻來朝以功封魏國公

路泌

字安期陽平縣人少好學通五經尤嗜詩易左氏春秋能諷其章句皆究深旨博涉史傳工五言詩性端亮寡言以孝悌聞於宗族建中末以長安尉從調與李益常綬等書判同居高第泌授城門郎屬德宗遭難奉天泌時在京師棄妻子潛詣行在所又從幸梁州排潰軍而出再為流矢所中裂裳濡血以策說渾瑊瑊深重之辟為從事瑊討懷光累奏為副元帥判官檢校戶

部郎中兼
御史中丞

路嗣恭

字懿範三原人為蕭關令考績為天下最玄宗以其可嗣漢魯恭因賜名官至兵部尚書

封葉
國公

路審中

節度崔彥曾知其能頗任之彥曾遇害軌略守卒歛其尸張玄扆攻徐州審中率死士開

門應官軍破敵
官至嵐州刺史

路旻

元和中為祁門令鑿武陵嶺為盤道及置斗門於閭門灘民便之

路應求

元和中廬州刺史韓愈為作神道碑及同食館記

路應

字應之貞元間為處州刺史尋移温州時樂成橫陽界中久廢湖防多水患應大為修築民咸

德之

路敬潛

臨清人少與兄齊名也歷懷州錄事參軍坐事繫獄免死後為遼安縣令先是令多卒於

官敬潛欲辭妻曰君不死獄而得全非生死有命邪從之到官有梟嘯其屏鼠數千走于前左右駭之擁杖而號敬潛不為懼久之遼衛令位中書舍人

路隨

字南式穆宗朝為翰林院學士與常處厚以六經粹要題為六經法言凡二十篇文宗朝同平

章事

宋路昌衡

字持正祥符人起進士累官直學士知成都歲宗立上書言四方用兵致興大役利源害

政佞臣蔽主四者皆陰之過盛後落職入黨籍卒贈龍圖閣直學士

路採

紹興間知州事律已甚嚴為政以愛民為本重興學校以循吏名

路允迪

挹密使

路振

字子發湘潭人父洵美事馬希杲署連州從事謝病終振淳化中舉進士太宗試庖言日出賦就試者愕眙振所作獨典瞻擢甲科通判邠州後推知制誥文詞溫麗屢奏賦頌為名輩所稱

尤長于詠詩有集二十卷

路彬

紹興中為廣東提刑時昭州夏稅折布錢太重民甚苦之彬奏乞蠲減欲於見納價上三分損一每疋折錢一千詔從之民受其利後去民皆不捨攀留之

路德延

數歲能詩賦芭蕉云葉如斜界紙心似倒抽書

金路鐸

冀州人章宗時為泰定軍節度副使改東平府治中嘗述十二訓以教民歷官臺諫有直臣之風

元

路義

順帝時郾城主簿勞心字民凡蠹政撓法者必治之

明

路確

確山人洪武進士

路壁

字斐琢安福人正統壬戌進士歷布政

路亨

直隸當塗人正統八年知安溪縣居官廉慎寬以御民尤加意學校士民德之

路迎

字賓暘汶上人正德戊辰進士歷官兵部尚書

路伯鏜

字元振上元人嘉靖進士任行人子九同萬曆舉人

路天亨

字仲元安邑人嘉靖
士辰進士歷叅政

路可由

字子正曹縣人嘉靖
辛丑進士歷都御史

路珠

字子明新鄉人嘉靖
己丑進士歷副使

步

平陽羽音晉大夫步陽之先食采於步因氏焉

周步叔秉

字子車齊人孔子弟子力扶聖道
後世追封博昌侯從祀孔子廟庭

步昭

晉人

步揚

晉人

漢

步輔

長平侯

步舒
儒林傳

三
步騭
字子山淮陰人避難江東種瓜自給孫權為討虜將軍召為主記權稱尊號累遷驃騎將軍領

冀州牧前後薦達屈滯救解患難多所濟益後為丞相被服居處如書生時

步協
字子仕吳為撫軍將軍盡忠子國通達事體

步闡
字子仕吳為西陵督後降晉假節領交州牧封宜都公

步璣
字子監江陵諸軍事左將軍加散騎常侍領廬陵太守封江陵侯

晉
步璿
字子仕為給事中宣威將軍封都鄉侯

步熊
字叔羆少好卜筮數術門徒甚盛熊學舍側有一人燒死吏持熊諸生謂為失火熊曰已為卿

卜得其人矣使從道南行當有一人來問得大
主未者便縛之吏如熊言果是耕人自言草惡
難耕故燒之忽風起延燒
遠近實不知草中有人

宋 步覺民

河南府人登科

明 步從信

河中人洪武中
任肇慶府同知

步謹

大名人永樂舉
人任偃師知縣

步槐

廣德人弘
治舉人

步雲

廣德人正德中
任邯鄲縣知縣

步允遷

字子安高苑人嘉靖辛
丑進士父天衢舉人

步遷

廣德人嘉靖舉人任衡水縣知縣與人和易居官廉謹

慕

元慕完

新鄉人明敏有大志累官侍御史刑部侍郎持法平允決訟如流為衆所服至順間封關郡公

明

慕容

臨城人洪武中任監察御史

慕子長

湘陰人弘治舉人中江訓導

慕庸

湘潭人弘治中宜黃縣丞

萬厯間汶上丞慕望科吳堡人

度

古字度之官因以命氏

漢度尚

字博平山陽人為上虞長為政嚴峻明于發擿奸匪吏人謂之神明後以討賊功累官至遼東

太守封
右鄉侯

度安

侍郎

唐

度穀

詩人

度文揚

郴州刺史勤於
敷治惠政及民

宋度正

合州人紹興初進士早從朱文公誨以正心誠
意之學歷官國子監丞上疏極言李金全反且

獻取全之策有三累違禮部侍
郎致仕所著有性善堂文集

度充之

撫州軍
事判官

元 度宗顯

至正間為沔州守政治有聲興廢舉墜風俗一變境內肅然民咸謳歌之為立碑紀其事

明 度智

蓬州人洪武中由太學生任戶科給事中

度彥由

蘇州人正統中獨石叅軍

遇

見風俗通望出東莞

漢 遇冲

東安太守

宋

遇昌朝

登進士第

遇伯達

紹聖進士

樹

望出河南後魏書樹洛干氏後改姓樹姓苑云河東人

宋

樹滋

天禧五年以都官員外郎任嶺南提點刑獄

元

樹穀

天歷進士

明

湖廣鄖陽府有樹氏

固

見姓苑

周

固來

晉平公時人

附

見姓苑望出新平

漢

附都

段頻將

三

附傳

魏人

唐

附得意

監察御史

附不疑

上元登科

瓠

見姓苑

上瓠巴

善鼓琴

錯

見姓苑

宋

錯居

太宰

務

見姓苑

上務光

見列仙傳

古

務成子

夏時人

睹

周睹父

魯大夫與公父文伯飲為上客

布

見姓苑望出江夏

周布子

趙人善相馬

晉布興

江夏人

唐布失畢

歸茲王

元布景範

新都人舉進士授芒布路益涼州同知時李頌驢侵掠景範舉義兵拒之力戰終日矢盡

而元

布伯庶

大中大夫

明

布自雲

武清人太常寺少卿

布福

孝義人正統中任肥鄉縣主簿

布應元

陽谷人正德中陝西羌州刺史

布恒

南海人嘉靖舉人懷遠知縣

露

見姓苑

漢露平

上黨都尉

庫 魯國漢文時有倉庫氏為吏之久子孫以為氏

漢 庫鈞 金城太守為時英

偶與竇融友善

具 晉大夫具丙之後見風俗通望出魏郡

漢

具褒 中山太守

明

具珪 曲阿人正統中由舉人署訓導事陞評事

具春 江都人弘治舉人任知縣

故 見姓苑

宋

故宿 字武平合肥縣丞

佐

明 佐皓 博興人 正統二年任 登封縣丞

捕

漢 捕巡 廣宗人

捕衡 見印

柱 柱下史之後

古柱厲叔 見列

訴

漢

訴梵

章帝時人
治歷數

付

見姓苑

明付吉

大成人以通經領鄉薦永樂中擢監察御史剛直有為陞陝西按察司副使

素

見姓苑

漢

素霸

宛丘長

悟

見姓苑

漢

悟明極

見印數

鬼

漢
兔譚見印

數

壹

本姓樹改作壹望出河東又河南

圉

音布見直音

胙

周公之後其國為燕所滅子孫以國為氏

邠

音貝見直音

澍

見姓苑

住

見姓苑

裕

見姓苑

暮

莫故切見姓苑

孺

見姓苑

鬲

音住古文鑄字見直音

萬姓統譜卷九十五

欽定四庫全書

萬姓統譜卷九十六

明 凌迪知 撰

去聲

八霽

衛 河東羽音周文王第八子康叔封於衛以國為氏

周

衛滿

燕人秦末中原多故滿起義擊破朝鮮遂自立為王都王險城再傳至孫右渠國滅

漢

衛宏

字敬仲東海西人仕為議郎少嘗從九江謝曼卿受毛詩作詩序後更受古文尚書於杜林為

作訓旨時濟南徐巡師事宏亦以儒顯由是古學大興宏又作漢舊儀四篇載西京祿事

衛福

漁陽太守張顯率吏士出塞虜射中顯功曹衛福主簿徐咸遽赴之福以身翼蔽虜併斬之朝

廷慙授福等節除子一人為郎中

衛綰

大陵人初事文帝為中郎將及景帝立以綰廉實無他腸拜河間王太傅累遷御史大夫至丞

相

衛青

字仲卿平陽人本姓鄭武帝時拜太中大夫屢將兵出鴈門雲中伐匈奴立大功封長平侯子

伉不疑登皆封侯

衛颯

字子產修武人家貧好學隨師無糧常傭以自給建武初除侍御史遷桂陽太守理卹民事居

官如家修庠序之教邦俗從化

衛

關

騎第五種從事性仇厲不畏強禦單

衛繼

漢嘉人兄弟五人父為縣功曹縣長張君無子繼遂養為子繼敏達夙成學識通博歷清

顯其餘兄弟四人無堪當世者時法禁以異姓為後復為衛氏遷奉車都尉忠篤信厚為衆所敬

衛覲

字伯孺安邑人漢末曹操辟司空掾屬魏初拜侍中與王粲並典制度明帝時封閔鄉侯覲以

文章顯好古文鳥篆隸草受詔典著作撰述至數千篇

衛旌

與步騭俱以種瓜自給

衛茲

字子許襄邑人有大節不應三公之辟曹操亦異之初至陳留茲曰平天下者必此人也曹操亦異之初

數詣茲議大事從討董卓戰於榮陽而卒操每涉郡境軌道祠焉

衛臻

字公振茲子夏侯惇為陳留太守舉臻計吏命婦出宴臻以為末世之俗非禮之正後為黃門

侍郎操追錄父勲爵關內侯建國以為散騎常侍累遷至司徒封長垣侯諡曰敬

晉衛瓘

字伯玉觀子蚤以孝稱明識清允弱冠初仕太歷散騎常侍中轉廷尉監鄧艾軍平蜀進位太

保嘗請改九品立鄉舉里選後為賈后所殺追封蘭陵郡公諡曰成

衛恒

字巨山瓘子少辟司空齊王府轉太子舍人秘書丞恒善草隸書為四體書勢後同父瓘遇害

贈長水校尉諡蘭陵貞世子

衛玠

字叔寶孫恒子風神秀異總角乘羊車入市見者以為為玉人其舅王濟嘆曰珠玉在側覺我

形機又曰澄與玠游若明珠之在側朗然照人玠

談道平子絕倒玠妻父樂廣有海內重名時以

為婦翁冰清女壻王潤仕晉為太子洗馬後移

衛玄

字文昇領京兆尹鎮京師文帝曰關右

北南衛操

字德元代人少通俠有才略晉衛瓘以操為鄉

親入國者衛勤衛崇衛清衛

衛文昇

資中人山獠作亂文昇單騎造其營諭以利

大悅以為

唐衛大經

篤學善易口無二言則天降詔徵之辭疾不赴與魏州人夏侯乾童有舊聞乾童母卒徒

步往弔之鄉人止之曰當夏溽暑豈可步千里致書可也大經曰尺書無能盡意遂行至魏州

會乾童出行大經造門設席行弔禮不訊其家而還開元初畢構為刺史謂解令孔慎言曰

衛生德厚宜有旌異古人式干木之閭禮賢故也慎言造門就謁時大經已年老辭疾不見嘗

預筮死日先鑿墓自為誌文果如筮而終

衛伯玉

有膂力幼習藝天寶中杖劍之安西以邊功累遷至員外諸衛將軍肅宗即位興師靖難

伯玉激憤思立功名自安西歸長安初為神策軍兵馬使出鎮乾元二年十月逆賊史思明遣

偽將李歸仁鐵騎三千來犯伯玉以數百騎於疆子坂擊破之積尸滿野虜馬六百匹歸仁與

其黨東走以功遷右羽林軍大將軍
知軍事轉四鎮北庭行營節度使

衛次公

字從中周河中人舉進士潘炎異之曰國器也
歷殿中侍御史翰林學士王叔文等弄威柄

次公多所持正後以檢校
工部侍郎為淮南節度使

衛遼

陽羨人少習詩書學劍游并汾間唐初建旗遼
以勇藝進及擒竇建德遼持挾鎗劍前突後翼

太宗奇之拜將軍宿衛以母老乞歸詔許之既
而以孝敬之腔聞門以忠信居鄉里及卒邑人懷

其賢廟祀於
荆溪之渚

衛葉

詩人

衛象

詩人

宋 衛公佐

字輔之華亭人聚書數千卷禮四方賢士教

訓子弟縣未行學捐地為址弟公亮公望並敦行義時推隆之

衛 膚敏

字商彥華亭人以上舍登宣和初進士累官校書郎給事中使金時金人將舉兵大入膚

敏論難往復殊不為屈高宗時拜右諫議大夫后父邢煥除徽猷閣待制太后兄子孟忠厚除

寶謨閣直學士膚敏言非祖宗法皆改職勸帝早幸金陵因陳守長江之策帝善其言除刑部

侍郎

衛 湜

字正叔吳人嘗集禮記諸家傳註為書一百六十卷名曰集說上之官至朝散大夫寶謨閣直

學士知袁州

衛謙

字山甫華亭人嘗立義莊以贍貧建義塾以教學者所著有易管見

衛富益

華亭人宋亡日夜悲泣設壇為文祭故相人文祥陸秀夫及張世傑聞者無不墮淚門人

謚曰正節先生

衛涇

字清叔華亭人舉進士第一伉直尚氣節屢上封事清叔華亭人舉進士第一伉直尚氣節屢上

誅韓侂冑歷官叅知政事涇三世同居御書友順二大字扁其堂

明

衛俊

榆次人洪武乙丑進士任御史

衛健

山西孝義縣丞不知何許人讀儒書達吏事膽智過人與徐謙同應募使北平不答健曰願殿

下熟思之亦不聽還授衛鎮撫與謙並赴軍前差遣後戰衛歿

欽定四庫全書

卷九十六

衛青

華亭人為山東備倭都指揮永樂中收餘賊眾再安邱青軍千騎至城下奮擊敗之賊眾再

戰城中人亦鼓譟出擊賊大敗遁去殺賊二千餘人生擒四千餘人山東悉平捷聞賜勅獎諭

陞山東都指揮使

衛浩

字李洪常熟人永樂初以太學生與修國史擢監察御史立朝諫論無所以顧忌歷遷江西按察

副使九年

衛靖

字以嘉崑山人洪熙初以能書薦授中書舍人預修宣廟實錄謹厚能詩以所著有公餘清興集

衛穎

華亭人世官濟南指揮使正統中總兵宣府景泰中以奪門功封宣城伯五年捕虜鎮番斬獲

居多成化六年以有軍功不革世嗣

衛述

蒲州人性聰敏端重外和而內剛從學薛文清讀書務在力行為文取達意不以纖麗為尚景

泰間鄉舉知山東武定州廉能公勤豪強欲避然宅心則仁恕善拊循小州弱以才調武定民遮

留不忍舍至恂謹則清平之政猶武定也尋棄官歸恂恂謹則清平之政猶武定也

衛英

洪洞人宏治初知開封府蒞政清簡務在安輯小民臺臣薦曰廉如趙清獻而少琴鶴明如包

孝肅而多仁恕英居官不以妻子自隨歲所支俸皆付庫民掌籍至今民猶思之

衛道

葉縣人正德進士初任推官有治績徵為給事中會武廟南巡抗疏陳請回鑾上嘉納之累官

南京刑部右侍郎清直之操終始不渝子東吳嘉靖進士任給事中

桂

天水羽音又望出燕郡姓苑云漢城陽吳橫四方避難一居幽州姓桂

漢 桂褒

州刺史

晉 桂詢

著疏略

北南 桂卿

自睦州徙貴溪仕南唐官至銀青光祿大夫上柱國進司空

唐 桂仲武

吳興人永寧令

宋 桂萬榮

字夢協慈溪人慶元二年進士授饒之餘干尉邑多豪右一裁以剛介御小民以慈愛秩

滿民為乞留子弟獲其訓迪恥為不善調建康司理時相史彌遠欲招致之萬榮不謁赴任歷官直秘閣遷尚書右丞奉祠家居嘗築室東山之麓讀書其中取古人資於折獄者類為一書

名曰崇陰比事

桂如林

知鄧縣建學
校遺愛生民

桂堂

知威州清介有聲
羈縻保霸兩州交
惡道阻不通堂自
攜牛酒會二州酋
長諭以禍福乃降

桂軻

登進士第

桂礪

貴溪人治
平進士

桂舟

政和
進士

元桂完

澤字坦之永嘉人
仕為平江路管軍
鎮撫坐事免官會
賊攻昱嶺闕從事
省官討賊再戰皆

勝尋與其妻弟金
德皆被執賊臨以
白刃脅之降完澤
語德曰男子漢即
死不可聽德曰此
言

最是因大罵賊
怒剖腹而死

明桂彥良

名德以字行慈谿人洪武初應薦召見命作香几贊特授太子正字錫賚有加召問治道

彥良對以正心為本而正心之要在懲忿窒慾上善之擢晉王府右傳一以正大之學輔導

既致仕條陳十二事名曰萬世太平治要策以進所著有和陶詩清節等集

桂廷用

洪武中巢縣令以風節自持不降詞色教化大行民物咸阜當時以賢令目之

桂孟成

溫州縣人洪武中公暇召諸生談經校藝及門構亭縣治之後

之士多底於成

桂恭

慈谿人天性至孝父宗蕃充邑庠生以楷書預修永樂大典書成將授官得疾告歸恭甫八歲

即能承順顏色侍奉湯藥頃刻不離左右洎長有室益加恭謹凡親所欲必先意迎合來問疾

者見語意稍不得輒具饌延款以悅親心宗蕃性
嚴重惓急稍不適意輒怒不食恭夫婦跪牀下
候起解得意方敢起溷廁浴未嘗妻之婢僕
四十年如一日正統丁卯東鄰火迫宗蕃疾劇
不能起恭抱父號慟須臾風止火滅父獲以安
成化己丑恭得疾類其父忽有老人款門授以
丸藥遂辭去耐以金却之出門不知所往已
而飲所授藥恭病遂起人以為純孝之報

桂衡

字孟平仁和人工文章詩極得麗每
一篇出人競錄傳所述有紫薇稿

桂木

慈谿人永
樂進士

桂芝

慈谿人叙州知府公
廉自持民至今思之

桂滿

臨淮人由鄉舉歷官才能過
人累陞都察院左僉都御史

桂山字本寧成都人南唐司空桂卿之後也登進士

參政劇盜決不遺大司徒馬昂稱譽之及進廣西
服

桂怡慈谿人正

桂茂之字廷秀成都人景泰進士

桂琛字獻之慈谿人景泰進士任御史

桂璉慈谿人成化間貢授無為州巢縣訓導素行純

朝夕喧闐妨於誦璉白郡毀之而知縣李進
或於禍福罔執不可璉率諸生竟毀之為李進

所攝獄下通判解敏毒訊致死後進敏亦相繼
死人以爲殺璉之報巢之士子祀璉於學宮

桂詔

字世欽慈谿人宏治
癸丑進士歷主事

桂同德

慈谿人謹厚敦樸篤信好學於經史無不淹
貫身苦不勝厚衣黑馬若不能言坦坦無競學

行聞於遠近經生學士過從者無虛日教授郡
庠以德行為本嘗立諸生講下懇言曰窮經究
史固學者事而入孝出悌尤所當先今日之孝
即他日之忠忠孝兩全人道備矣苟規規章句
而踐履不力此爲人之學非聖賢之學也故一
時親炙其教者咸有成立所著有容齋集裔孫
槐以兵法干總兵桂勇拜錦衣百戶
爲於人倫而倜儻好施有古俠士風

桂璫

字懷英慈谿人倜儻不羣自幼至老手不釋卷
詩文充積縉紳士夫及門請益者無虛日相語

不以名氏尊之曰古香
先生所著有桑榆藁

桂宗

儒字文藪慈谿人膺貢預修永樂大典書成授
蘄州同知蒞官有政績然性直不能迎合監

司註其考曰學優政短還之吏部請改卑秩吏
部侍郎師道知為彥良從子以善詩工楷書薦

之文廟名見即日拜修撰
每應制有作為時所稱撰

桂伯

諒字守城慈谿人少孤貧耽玩經史雖隆寒威
暑不輟領慈谿浙江正德己卯鄉薦授江西龍泉

知縣嚴慈並行擢南京刑部出知同仁府未滿
乞休進階大中大夫致仕民遮道泣留不可為

之立碑頌其德云家居杜門蕭然出已貧以敦
崇祖廟寘贍田以公諸族令子弟讀書其中里

人題為節
孝先生

桂萼

字子實安仁人正德進士授丹徒知縣陞南京刑部主事以議大禮仕至少傅吏部尚書華蓋

殿大學士致仕卒贈太傅謚文襄萼實學勵行執古而傲上一言悟主遂極擢用讀公奏議皆

經國大猷切中時弊至審論四事若放宮人止織造罷鎮守却祥瑞尤時所難言者况其講學

論政皆自稽古根本中來又其於進退之際懇懇不肯自恕可謂名相也已

桂勇

懷寧人南京千戶歷都督僉事鎮守山西有武功

嘉靖癸丑進士桂嘉孝成都人歷廣東布政

惠

琅邪周惠王之後又望出扶風

周惠施

魏大夫勸魏王謀齊

漢

惠乘

交趾太守

惠根

太僕卿

晉惠欣之

太元間仕臨川令

北南惠休

齊刺史

宋惠孔時

提舉兼提刑淳祐元年敵哨既至二年襲通判遂有遷城之議而居民弗從三年乃命都

統以孔時來仍舊修浚

惠直

字子溫當塗人崇寧二年登進士第解褐調德化簿郡守宴長沙帥命惠直撰樂語中一聯云

從米汝潁之間固多奇士此去瀟湘之地遂逢故人守讀之大喜初名直方朝廷頒天下黨籍

凡士夫與黨人同姓名者許更名自別有姓名
適與惠直同者惠直曰名可改直豈可去耶遂
狀吏部改今名用薦藉姓名於中書調欽州推
官政和七年中詞學兼茂材科關所檢

閱文字尋遷
太常博士

惠疇字叙之江陰人舉進士嘉定七年七月勸農以
時美士以江陰人舉進士嘉定七年七月勸農以
景言閣之閣榜路丞相曾魯公即
其所居之閣榜曰景言以旌其美

惠演舉進士

惠敷

惠柔俱長洲人

元惠希孟

字秋厓江陰人聰慧過人無書不讀家居如見大賓趨踰進退動合矩度兄希顏年老如

嗣希孟奉養如父弟希點夫婦有痼疾亦無嗣撫之尤篤恩意嘗著襟禮纂要家範五卷

明

惠忠

合肥人洪武進士

惠民

字濟衆滿城人天順舉人歷齊河知縣九年廉謹賜勅以中正不阿致仕邁衆獨立不干有司

惠隆

字從道和弘治癸丑進士歷副使

惠心

陳州人嘉靖間任通州同知

芮

平原徵音周司徒芮伯萬之後

周芮良夫

刺厲王也有詩曰大風有隧貪人敗類注良夫芮伯字也

漢 芮珍 鉅鹿太守

芮祉 字宣嗣 江陽人 從孫堅征伐有功

唐 芮挺章 編國秀集

宋 芮及言 字子嚴 雲川人 嘉泰三年知上高政事 精勤

坐屏後曰少飲酒飽餐飯勤出廳公事辦蒞官
三載終始如一及代前一日猶痛治一猾胥聞

然者悚

芮詈 烏程人 紹興登科

芮宜言 烏程人 淳熙登科

芮暉

字國器烏程人與弟暉力學起家號二芮同入太學紹興戊辰同登科第在館學雍容儒雅人

推重之後為司業晚歲詩益奇有文集藏於家暉仕至兵部尚書因賦牡丹詩忤秦檜被謫檜

死再和牡丹韻云寧令漢社稷變作莽乾坤

芮國瑞

仕為桐川簿過倪偁曰與我遊者皆有歌詩然珠玉之賜不如藥石之贈公曰建平吏黠

民奸子何以處之曰以嚴馭吏以恕待民奉公勤律身以儉交同僚以誠暇日讀吾所未見

書以增其所未至公善之

明

芮麟

字志文宣城人洪武間台州知府明於政體吏民信服嘗註誤被逮父老泣送境外多遺之金

一無所受

芮翀

字子朔洪武進士推崑山知縣正直有局幹政不察察未嘗失民情劾暴繩頑扶顛舒困囹圄

為之空虛去任民涕泣不舍

芮善

字性存武進人明易春秋性淳厚無疾言遽色洪武間登進士第歷官中書舍人司經洗馬

府右長史致仕

芮釗

字宗遠寶城人正統進士歷右副都御史巡撫甘肅訓練卒伍謹斥堠廣蓄積鎮守三年遼境

寂然卒於官無以為歛人服其清操云

芮稷

成化進士

芮畿

宜興人成化進士任給事中

芮成

溧陽人成化中
以都督守四川

芮思

宏治進士
宜興人

芮冲霄

長垣人嘉
靖舉人

計

京兆宮音又望出齊郡

周

計然

名研范蠡之師也蠡既雪會稽之恥歎曰計然
之策十越用其五而得志今吾欲用之家乃之

陶治產致鉅
石為朱公

計倪

越相

漢

計訓

司空掾

計子勲

中郎將

三計昭

字叔明黃武中為車騎將軍見皓荒暴逼棄官隱居禺山後晉宣帝累詔徵之不起

宋

計衡

字致平紹興進士歷官徽州教官淮西安撫幹辦主管官詔興國子博士御史臺檢法監察御史因監試失察自劾免官已而遷國子司業出守池州轉朝奉大夫得祠衡博洽強毅遊太學

史因監試失察自劾免官已而遷國子司業出守池州轉朝奉大夫得祠衡博洽強毅遊太學

時上書言天下大計者四留使介以款敵人之謀下詔書以教河北之士先舉士以決進取之

策用人望以激忠義之氣高宗歎曰有士如此庶不負教養及入官每著善政死之日家無餘

貲吳革廬澄嘗稱為清白吏云子璽字仲山蒲圻丞南進士入官有政譽字仲石璽字仲山蒲圻丞南

判平

欽定四庫全書

萬姓類編
卷九十六

十四

計良輔

登州人

計用章

安仁人天禧中進士通判延安時范雍為帥用章勸其修城練卒以備不測雍不聽及元

吳園城召用章問策用章以一死報國對會其夜大雪賊遂退後知冀州終都官員外郎

計有功

居魏公幕府紹興中遣詣行在奏對獻所著晉鑑

元

計初

字遂初授承事郎寧都州同知叢板冊以定賦出冤獄以正刑上下推服州同知歸省饑民起為

亂當道檄復任往諭之曰吾計同知今再來爾或少安當使爾無饑盜遂息擒首惡三人抵以

法今富室發粟濟之州久無雪民苦瘡癘復任時大雪明年早一禱輒雨民歌曰去年雪今年

雨徵計侯那得此

明計仲政字永清馬平縣學生其先兗州益都人元仕於柳遂家焉洪武初峒夷猖獗縣令張霖以

才能薦仲政得為巡檢率民兵與戰擒賊得俘

賊五百餘諸峒凜然凡被虜者多賴奪歸時總兵韓觀知其能托為心腹資以發縱指

示無不成功者前後四十餘年致仕卒

計昌

江西人景泰進士

計宗道

字惟中晉平人宏治乙未進士歷知府

計嗣

字蒙正為文根乎理致熟於通鑑綱目引證典故琅然成誦壽七十三有遜菴遺稿

計澄

字本清湘湖人嘉靖甲辰進士知永康調商河推監察御史以直言忤時謫廬州推官起守楚

雄政為漢列郡最陞廣西按察使澄素性嚴峻所著有冰蘗聲

欽定四庫全書

卷九十六

計士元

字允卿，都陽人。嘉靖甲辰進士，歷郎中。

嘉靖乙丑進士，計謀亨任知府，坤亨舉人任御史。

厲

景陽角音齊，厲公之後。

漢

厲溫

為魏郡太守，封義陽侯。

唐

厲文才

東陽人，貞觀初為道州刺史。土末靖，賊寇猖獗，臨郡期月，羣盜悉平。甚著威愛，改容州刺

史雅好山水，未幾辭位歸鄉。里孫乾曜，高尚有祖父風烈。

厲歸真

善畫

厲自南

登科

厲玄詩人

宋厲汪

東陽人隆興間進士補樂清宰民安其化累贈中奉大夫篤於教子子模歷資政殿大學士朝

請大夫東陽縣開國侯

厲文翁

婺州人淳祐十二年以通直郎新除金部郎官兼樞密院檢詳諸房文字除軍器監兼知

太府少卿

厲申

開封人登科

明厲昇

字文暉無錫人性狷介特立與人不苟合以歲貢入胄監授浙江青田知縣持公秉廉孜孜愛

民去之二十年邑人猶懷慕其德立生祠祀之

欽定四庫全書

萬姓統綱
卷九十六

十六

厲光

字伯潛篤學修行與孫潤齊名光繼掌教事能詩贈誠意伯劉公詩曰樞省分龍鉞金圭出虎

符春秋誅少卯天地一洪爐月墅橫秋隼霜城泣曉狐他時誰坐嘯今復見平吳

厲孝先

少貧永樂間父被誣京師往身代之尋白其事父違疾卒欲還柩人有勸曰父八十里外

汝一窮庶人耳不若焚化之為善孝先號泣不聽輒欲自鬻鄉人有仕於朝憐賸以布粟又典

貸益之歸葬廬墓

厲鼎

永樂間處州舉人

厲本

上杭人永樂舉人任寧都知縣遇事剛果獨重風教

厲達

海州人永樂間將兵征西涼復三十餘城陞都指揮鎮守其地

厲秉彝

廣城人宣德進士任御史

厲邦化

六合人嘉靖中河南汝州判官

厲汝進

灤州人嘉靖甲辰進士歷官吏科都給事中上書劾權臣被謫為典史既以典史考察去

科道屢薦之不報

萬厯間黃州衛經歷厲大順餘姚縣人

厲

宋

厲靜

湖州人嘉祐登科

隸

音悌見姓苑

欽定四庫全書

萬姓統譜
卷九十六

十七

漢 棣竝司馬王莽時人

蒂見姓苑

漢 蒂憚中常侍王莽時人

銳主兵者子孫以為氏

晉 銳管御史大夫

五代 銳敏唐水軍使

明 銳廷緘南充人洪武舉人

世見姓苑

周世鈞秦大夫

世碩陳人七十子之弟子著世子二十卷

漢世寵九江尉

世昌見印

宋世宸渠縣人嘉泰進士

明世家寶字觀益臨潁人性剛果有謀略讀書知兵法洪武初授大理少卿進禮部侍郎終刑部尚書

名士會支子魴別食采穠邑

周龜恭左傳

吞音桂城陽太守被誅子一避難徐州姓吞今臨海有此姓望出弘農號略

漢吞道元著天公論

吞橫尉

吞景雲上計掾

灵音桂城陽太守被誅一子姓灵守墳墓

漢灵橫明帝時人

灵宮

吳寬

隸見姓苑

上隸首善

稅河間信陵縣有稅氏

宋稅挺登進士第

明稅璿永壽人永樂中任平涼府同知

稅冕撫州人景泰舉人沁水縣訓導

稅章歸州人天順貢士

稅新

四川人成進士

稅文鏞

乾州人弘治舉人知州

稅謙

夷陵人正德貢士

稅琛

歸州人嘉靖中任知縣

稅文臣

乾州人嘉靖舉人任教諭

裔

見姓苑

漢

裔款

古今表人

明

裔璜

宣化人舉人成化中任盧溪縣知縣

弊見姓苑

周弊無存左傳

麗晉匠麗之後

明萬厯間興國州判官麗樸湯溪人

係見姓苑

明萬厯間湖廣鄖縣係綬河南穀城縣有係氏

系

唐系謹揚子人仕至補闕善占夢一人夢松生戶前一
人夢棗生木上謹言松邱隴間所植棗字重來

來呼魄之象
二人果俱卒

薊內黃

唐

薊子訓建安中人見在長安與一老翁摩挲銅人
曰適見鑄此近百歲矣時呼為薊先生

羿

濟南羽音有窮氏羿之後

明

羿忠

湘陰人洪武中
遂寧縣知縣

閉

必計切

明閉魯

由舉人任桂林府推官時平樂府立山里猛獠
跳梁藩臬當道檄魯撫招向化者萬餘人咸願

輸糧於官當道保陞永安州知州以撫安立山
里梗化之人節受上司綵紅獎勸七載丁艱回

後改雲南石

屏州知州

閉敬

臨武人永樂舉人

閉珙

橫州人永樂戊子舉人

閉禎

字德用惠安主簿克勤撫字秩蒨陞本縣知縣正統末鄰邑寇亂預設險拒守邑賴以安

閉悌

橫州人正統舉人

閉魯

橫州人宣德舉人

贊

漢贊惲

新中常侍

歲

明

河南鄧州有歲氏

戍

唐

戍盈孫

河陽令

祝音稅

明

祝禎

武康人
洪武中
任工部主事

濟

漢

濟火

為牂牁帥一名濟濟火善撫其衆時聞諸葛武侯南征通道積糧以迎武侯大悅遂命為先鋒

贊武侯以平西南夷擒孟獲及歸克普里犵狁氏所與爭拓其境土武侯以昭烈命封為羅甸

王即今安氏之遠祖也

遼

關

同音姓纂云今同州有之

制

關

初有制氏以雅樂聲律世在樂官

藝

見姓纂

毳

見姓苑

替

見姓苑

例

見姓苑

契

見姓苑

鑄 風俗通鑄國堯后左傳臧宣娶於鑄氏

薊

音計草似芥見直音

薨

音帝

第

見姓苑

翳

見姓苑史秦記柏翳之後

貫

見姓苑

萬姓統譜卷九十六

欽定四庫全書

萬姓統譜卷九十七

明 凌迪知 撰

去聲

九泰

蔡

濟陽徵音周文王第十四子叔度封蔡為蔡叔因氏又望出汝南

周

蔡澤

燕人戰國時弘辨智士常入秦說應侯曰四時之序成功者去應侯因是謝病昭王召見與語

大悅拜客卿尋拜為相後事始皇使燕太子丹入質於秦封綱成君

蔡墨

名黹晉大夫為趙簡子史

蔡仲

武王封叔度於蔡後挾武庚作亂周公放之其子胡改行率德成王復封之蔡是為蔡仲

漢

蔡順

字君仲汝南人以至孝稱順拾桑椹赤墨異器心動馳歸王莽末人相食順拾桑椹赤墨異器

賊問故順曰墨者奉母赤者自食賊遺米受而不食母終未葬火逼其舍順伏棺號哭火遂越

他舍母平生畏雷震順輒圍家泣曰順在此舉孝廉不就年八十終於家

蔡衍

字孟喜項人少明經講授以禮讓化鄉里鄉里有爭訟者輒詣衍決之其所平反皆無怨舉孝

廉累官冀州刺史徵拜議郎梁冀聞其賢請欲相見衍辭疾不往

蔡千秋

字少君沛人嘗授穀梁春秋於魯榮廣又事皓星公為學最篤宣帝時為郎召見與公羊

家並說上善穀梁說擢千秋為諫大夫給事中後有過左遷平陵令復求能為穀梁者莫及千

秋愍其學且絕迺以千秋為
郎中戶將選郎十人從受

蔡玄

字叔陵南頓人學通五經門徒千餘
人徵拜議郎遷侍中出為弘農太守

蔡勲

王莽時徵用之勲以不
事二姓逃入山不仕

蔡邕

字伯喈陳留圉人六世祖勲平帝時為郾令王
莽欲臣之逃匿山中父稜有清白行邕性至孝

同居三世仕為議郎較正六經親書於碑
置之太學門外及卒緡紳諸儒莫不流涕

蔡邕

上虞人亦字伯喈與陳留蔡邕
同時隱居不仕以孝行聞見志

蔡義

溫人以明經給事大將軍幕府昭帝名見說詩
悅之擢光祿大夫後拜相以定策功封陽平侯

蔡茂

字子禮河南懷人哀平間以儒學顯徵試博士
累遷侍中王莽居攝茂以病歸光武初徵拜議

即遷廣漢太守後代戴涉為大司徒清儉匪懈

蔡湛

光和二為黨城長有惠政後人咸慕之

蔡倫

字敬仲桂陽人有才學和帝時為中常侍元初中封龍亭侯倫言自古書契多編以竹其用縑

帛書者謂之紙縑乃始用樹膚麻頭敝布魚網為紙天下咸稱慕侯紙

三國蔡瑁

襄陽人嘗與南郡蒯越共為劉表謀主有應變之才

晉

蔡克

字子尼考城人素有格量及居選官苟進之徒望風畏憚山簡與王衍書曰子尼今之正人衍

曰山子以一字拔人

蔡謨

字明道克之子世為著姓父克少好學博涉書記謨弱冠察孝廉舉秀才皆不就後累官吏部

尚書深謀遠略為時所
重康帝時遷侍中司徒

蔡豹

字士宣陳留人有氣幹仕為振武將軍
臨淮太守在郡有治最遷徐州刺史

蔡洪

字叔遠開郡人有才名西晉時王政陵遲官才
失實君子多退而窮處洪作孤奮論與王沈失

時論同意仕
為松滋令

南北

蔡道恭

字懷儉冠軍人初仕南齊為右將軍時議北
伐令先屯洛口至壽春士女歸降者數千人

梁武帝起兵以為司州刺史善於備禦北
魏攻不能尅甥馮亮博覽諸書隱居嵩山

蔡廓

字子度謨曾孫博涉羣書宋武帝以廓剛
直補御史中丞多所糾奏後為吏部尚書

蔡景歷

字茂世考城人俊爽有孝行家貧好學工草
隸為文不尚雕琢長於叙事仕梁累官度支

尚書子徵聰敏強記事後母至
謹擢中書令入隋為給事中

蔡徵

字布祥景歷子幼聰敏精識彊記年六歲詣梁
吏部尚書褚翔翔嗟其穎異七歲丁母憂居喪
如成人禮繼母視之不以道徵供侍益謹初無
怨色本名覽景歷以為有王祥之性故為之更

名字焉大建中遷太子
舍人尋授左戶尚書

蔡興宗

廓之子行己恭恪累遷尚書吏部侍郎孝武
曰卿詳練清濁今以選事相付後拜侍中每

正言得失
無所顧

蔡襲

高平人仕魏為齊安郡守後從孝武西遷賜爵
平舒縣伯除岐雍二州刺史子祐少有大志事

母以孝聞仕魏為都督嘗迎孝武於潼關以功
封襄鄉縣伯累遷司馬所得祿秩盡散宗族及

卒家無
餘財

蔡允恭

江陵人父大業後梁左民尚書允恭美姿容工為詩仕為起居舍人煬帝有所賦必令詠

誦遣教宮人允恭恥之數稱疾授內史舍人俾入宮固辭由是疎斥嘗著後梁春秋

蔡搏

字景節陳留人為吳興太守在官惟飲郡井齊前自種紫茹白莧以為常餌詔褒其清加信武將軍天監九年宣城郡吏吳伯承挾妖道聚眾攻宣城殺太守轉寇吳興吏人並請避之搏堅

守不動命眾出戰摧破伯承餘黨悉平累遷吏部尚書

蔡大寶

一女擇配見柳莊有遠量曰襄陽水鏡遂妻之

蔡凝

字子居授吏部侍郎年位未高而才地為時所重嘗端坐西齋自非素貴名流罕所交接

蔡佑

字承先從周文戰有功授平東將軍與齊神武戰於芒山佑時著明光鐵鎧所向無敵齊人咸

曰此是鐵猛獸也

蔡約

字景撫濟陽考城人興宗子約少尚宋孝武帝安吉公主仕齊遷太子中庶子司徒左長史明

帝為錄尚書輔政百僚脫履到席約躡履不改帝謂江昶曰蔡氏是禮度之門故自可悅昶曰大將軍有揖客復見於今約好飲酒夷淡不與世雜卒贈太常卿

蔡裔

有勇氣聲若震雷有二盜入室裔撫牀一呼二盜俱殞

蔡仲熊

濟陽人禮學博聞謂人曰五音本在中土故氣韻調平今既東南土氣偏鼓故不能感動

太原王瓛亦以為然仲熊執經議論往往與時宰不合亦終不改操求同故坎壈不進歷年方

至尚書左丞當
時恨其不遇

唐蔡廷玉

廷玉平人德宗時朱泚為幽州節度使謀不軌
廷玉在幕府不從被囚歲餘出之泚曰而亦

悔乎廷玉曰導以為逆即悔勉以忠義何悔之
有復繫之問曰能省過否不爾且死對曰不殺
我公得名殺我我得名
泚不能屈待之如初

蔡少卿

容管經畧左押衙兵馬使破
黃賊驪折妖巢收復故地

蔡劍

字紀鈞新昌人以平黃巢功為左散騎常侍江
南西道節度副使鍾傳割據洪州求婚於劍劍

曰吾家世為唐忠
臣肯以女事賊乎

蔡希周

曲阿人官至監察御
史見殷璠丹陽集

蔡希寂

曲阿人官至渭南尉見丹陽集

宋

蔡審廷

武安人少能騎射初從周世宗征伐有功累官內殿直都虞侯宋初授冀州刺史從太祖

征太原訓練士卒甚整後為鎮州兵馬都鈐轄

蔡齊

膠水人舉進士第一儀狀俊偉舉止端肅真宗見之曰得人矣詔金吾給七騶以寵之累官參

知政事屢進諫言出知穎州卒贈兵部尚書謚文忠

蔡黃裳

字叔文晉江人大中祥符初第進士知鳳翔府號縣郡守有親校號人也招權受金黃裳

至縣先縛校傳舍乃謁守具條其姦狀置於法一府盡驚知建陽縣秩滿解去邑人遮使者乞

再任從之

蔡抗

字子直宋城人進士自廣東轉運召為三司判官都城大水抗推原變異大臣畏其諫列白

為知制誥遷龍圖直學士知定州

蔡挺

字子政抗之弟舉進士仁宗時知慶州夏人大入知有備引却熙寧時遷樞密副使帝問涇原善之卒贈工部尚書謚文敏

蔡冠

字南城人父充天聖間進士累官羣牧判官冠卿慶歷中進士為原武主簿遷下邳令歷知鄆陵縣所至有惠愛遷大理少卿出知饒州後以河東饑又敵爭地出為晉守民賴以安

蔡延慶

字仲遠齊之從子舉進士歷開封府推官進龍圖閣直學士攝熙師元夕張燈羌乘隙伏兵舉火內應延慶覘知悉斬以徇禁疆吏剽攘夏民悅服官至吏部左侍郎

蔡伯禧

福清人真宗朝試童科歲末二周上賜詩云
七閩山水多材俊三歲神童出盛時家世應

傳清白訓嬰兒自得老成資初能學步來朝闕
方及能言解誦詩更勵孜孜圖進益青雲千里

有前期授校書
郎春宮伴讀

蔡用之

新昌人天禧初進士嘗獻萬言書及碑贊論
誅序雜文百萬言真宗覽之驚喜出其文以

示諸學士七世孫汝揆時號愚泉先生
所著有希賢錄貫通集友議祿書

蔡襄

字君謨仙遊人天聖中進士累官知諫院正色
謙言精於吏事下不能欺所至有聲能文章尤

工於書為當時第一官至
端明殿學士卒諡忠惠

蔡蒙吉

程州人年十二應童子科賜進士出身授韶
州司法值世變未上郡守檄署梅州城陷被

執罵賊而死三日顏色不變元將異而瘞之

蔡仲舒

字王臣新昌人景祐進士幼不治生產苦志於學初為鄂州崇陽簿監司列薦其才授通

武勝令更湘潭縉雲會昌以弭盜功奏改承奉騎都尉居家猶敦學不輟喜吟詠有詩居數百篇人多稱之

蔡高

字君山襄之弟景祐中第進士為長溪尉縣媼二子漁於海而亡媼指仇家告捕高陰察其跡

乃宿海上七日二屍浮而至驗之皆殺也遂捕仇家伏法又有夫偕出而盜殺其守舍子者高至召里民熟視之指一人曰此殺人者也訊之果伏人稱神明遷太康簿卒年二十有八鄉人哀之者多矣

蔡元導

臨川人博聞強記家貧無書有市書者過之輒留數部經宿還之曰吾已默記擢嘉祐初

進士仕至南劍州推官

蔡承禧

字景繁元導子與父同登進士授太平州司理再調知雲都縣決事明敏熙寧中擢監察

御史裏行呂惠卿校國子阿私章五上帝并其黨奏其弟升卿考校國子阿私章五上帝并其黨

黜之賜五品服曰旌卿謙直加集賢院校理上遣李憲往熙河計置邊事諸將聽節制承禧奏

曰自古未有以兵寄閭人而不亂者鬼章患小用憲患大不成患小事成患大言甚切直上優

容之後出為淮南轉運使蘇軾稱其事君傾盡惻惻款持心不倚云

蔡傳

字永翁襄仲子旬之子也初襄三子旬旬旻皆蚤世襄卒朝廷錄其子孫以傳守將作監簿時

方二歲母劉氏撫教至於知書六經子史皆務貫穿志在學古務實因以奉母卒不遊場屋而學行益力歷朝奉郎通判南京留守司年四十三即上章乞致仕奉親以歸著述頗多

蔡佃

裏孫本僊遊人佃與弟佃仲入太學俱有聲號三蔡佃崇寧初進士第二時從祖京當軸力欲羅致門下竟不能屈會星異上疏論宰相非人宜舉漢汲黯故事以應天變責監温州稅官至朝奉郎直龍圖閣佃大觀三年進士官至徽猷閣待制

蔡如

松字勁節襄之族慷慨有大志與顏師魯友善吳獬以文唱一時松與之論辨不為屈歷新

官與推

蔡諲

字伯恭筠州人元祐間隱居不仕築書院有志於學者教之以三十人為率築園植花木為遊

愬所號無為居士邑有訟不訴之官而決於諍有王烈之風時年八十一而卒

蔡肇

字天啓丹陽人能為文最長歌詩援筆立就舉進士徵宗時為吏部郎中兼編修國史後拜中

書舍人以顯謨閣待制知明州有文集三十卷

蔡延世

南城人靖康中以文武全材舉建炎中為建昌軍兵馬監押金騎至守倅皆適延世糾

集士卒嬰城固守斬其使金人怒批戰延世擊却之遂領軍事

蔡充

字公度南城人邵武縣尉好自潔清平居衣冠容貌肅然臨事以沈默慎靜為主無或過差人

以廉節稱之

蔡瑗

字希遠龍溪人登進士第官至朝請大夫歷典五郡徽宗時上封事言商中宗嚴畏周文王無

逸為萬世龜鑑除江淮荆浙福建廣南等路都大提點坑冶瑗以文章政事名世而聲律尤長

蔡蒙叟

閩縣人博通古今之務養高不仕弟子從遠方至者常滿其門誅議陳從易泊里中顯達

者十餘人皆北面焉郡守李欣薦於朝授州助教非其好也年八十餘卒於家號貞白子著絕

子三卷凡五十
七篇行於世

蔡伸

字申道莆田人襄孫也政和進士歷太學博士遷通判真饒徐楚四州在真州日火延燒千餘

家民露處雪中老幼號呼盈道伸聞寺宇官廨分處之且發常平糴以賑給守者不可伸曰此

國家所以備非常也如得咎請獨當之事聞朝廷釋不問改知滁和等州初伸與秦檜同舍又

同舉後伸以趙鼎黨乞祠者累年檜一日訪伸有念舊語伸不肯干之檜意不樂官至左中大

夫卒贈
特進

蔡洸

字子平襄玄孫父仲政和中進士仕為左中大
夫洸事親孝以蔭補將仕郎累官徽猷閣學士

知寧國府所得俸每以賑親
戚之貧者卒之日囊無餘貲

蔡居中

字正夫南康人好學不倦事親以孝聞尚名
節不以生產介意宣和間入太學政和甲午

釋褐主文霍端友侍郎以其文擬冠多士同列
有持他卷者曰波瀾老成當為第一即張綱也
霍以居中文示之曰簡潔明粹非日燬月煉者
不能及足為兩學矜式居中次之會林臺簿出
守居中謁預修桑梓之敬林喜語之曰公青春
擢第文學政事皆優為之且勉以當官見利未
動居中佩服以清白聞終大宗正丞

蔡霆發

字子飛南安人學行純篤登淳熙甲辰第以邑最登朝主管官告院著家訓集鑒

蔡楠

字子強傳子大觀三年與從父伯同登進士歷官朝奉郎直秘閣知泉州乃襄舊治楠為政得

衆之家法人謂有祖風烈祖祖母白首康強父綠髮休官泉距甫四舍許安與往來奉養珍厚人

咸榮之官至朝奉大夫

蔡元鼎

漳浦人少以文章自豪為鄉先生所著有中庸大學解語孟講義洪範會元雜類詩

蔡樞

字子歷傳子以政和五年同從父仲登第歷官西京提舉學司主管文字御史常安民在黨籍

人多疏之樞獨事以師禮提舉湖南學事時殿中侍御史張所教授漳州未知名會所白事問

曰時事如此度今誰可任國事者所舉劉安世樞瞿然曰自崇觀來禁錮元祐之學文字言語

稍涉疑似者必置之法子為教官乃敢伸公論若是耶即薦所後果知名年四十五丐致仕榜所居堂曰世隱宣和末興燕雲之師主兵者欲引樞為謀議官樞以書止之累官朝散郎守職方員外郎言請大夫子頓孫師言皆登第

蔡青

漳浦人紹興間青與同縣人鄒進熊保俱為左翼軍步兵時山寇焚縣治郡發皇甫某領步兵二十五人屯於縣北門賊率三百餘人至西關皇甫某曰我等當効力血戰三人先被髮操戈瞋目叱於眾曰吾屬當為國死既而與賊遇自卯至酉殺傷甚眾賊分兩道而遁三人乘勢追逐賊勢窮反闚三人皆中傷以歿邑人哀之為衣衾棺殮合葬於邑西門外今猶相傳曰勇士墓

蔡念成

九江人嘉定初長延平書院學博而精行誼尤明粹一時學士倚為斯文賴幹西山真德

秀超跡長沙未上亦來預講冠屨趨絃誦洋洋聞朝夕

蔡懋

字子堅樞之弟靖康中為虔州會昌西尉視事數月遇賊犯境奮然曰吾職也即日領所部及

土兵禦之會力不勝遇害贈承事郎與其子一官

蔡定

字元應山陰人父華傭書以生資定使學華坐法被繫時年七十餘法當免繫勒胥持不可定

詣府請代弗許定知父終不可贖也仰天呼曰父老而刑定生何益自赴河而死府帥聞之驚

曰真孝子立命出革厚為定具棺殮事而撫周其家

蔡孝恭

元導四世孫博聞強記以賢良薦上批鱗十策至京師或謂合謁當路孝恭曰以嫗媚

取科第吾不能
也遂歸不仕

蔡幼學

字所行之瑞安人乾道中進士初欲實荀選以

草制醇雅得體累轉寶謨閣召權兵部尚書卒
謚文懿幼學氣質凝重早以文名所著有編年

政要諸書
百餘篇

蔡發

字神與建陽人博學強記高簡廓落不與世俗
相俯仰因去遊四方聞見益廣邃於易象天文俗

地理三式之說無所不通而皆能計其得失杜
門掃軌專以讀書教子為事子元定生十歲即

教使讀西銘稍長則示以程氏語錄邵氏經世
張氏正蒙而語之曰此孔孟正脈也晚號牧堂

老人朱文公嘗稱發所以教其子者不干利祿
而開之以聖賢之學其志識高遠非世人所及

蔡元定

字季通建陽人父發元定八歲能詩日誦數十言及長登西山絕頂忍饑啖薺於書無所

不讀聞朱熹名往師之熹扣其學大驚曰此吾老友也不當在弟子列韓侂冑禁偽學謫道州

卒後賜諡文節所著有律呂新書八陣圖說等書

蔡淵

字伯靜元定長子淵既受學家庭而又友黃幹張浮諸賢清修苦節有父風與沈躬耕不仕著

周易訓解發先儒所未發

蔡沈

字仲默元定子與兄淵皆不仕淵號節齋所著有周易訓解沈師事朱熹熹晚欲註書遂以屬

沈又元定獨得洪範之數隱居九峰未及論著曰成吾書者沈也沈潛反覆數十年遂成書傳

及洪範皇極內篇卒從祀孔子廟庭

蔡和

字廷傑晉江人從朱公高弟陳易授業居白石

村喪祭皆酌古禮鄉閭化之一時泉士如鄭思忱鄭思恭蘇思永王次傳卓琮王雋王以翼江與權黃必昌文學精粹皆其門人時號為紫陽

別宗云

蔡滌

字慶崇新昌人乾道進士初調湘潭簿雪旁邑

冤獄却饋贖憲臺薦其廉明調巴州教授改安化令庭無留訟尋倖金州滌為人靜慤平居飲酒賦詩當官辨治整暇與上官論事有不可必

力爭之卒於官時人多敬慕焉

蔡子宜

以書經中鄉試第二人時解元亦書經故坊曰同元明年登進士第勅歸榮既起陳情母

老子幼詔可其歸凡飲食服御不敢並於親居鄉無分少長必接以恭及親終喪葬如禮著喪

記起復執疏乞骸骨歸附親壠
以經術教授鄉里著披雲集

蔡開

字子明崇德人父熙孝感令以廉平聞開第進士宰德清值軍興征調縣為不擾及去民攀留

之知邳武郡初官租石帶糴四斗備賑後為民患開請罷帶糴遇荒輸官價視時高下俾民自糴患遂已除漕司兼知岳州點軍營田九軍一日而畢又區畫營佃軍國兩利改漕江西屬郡早捐漕計以濟有畏齋集十五卷

蔡開

字子正開之弟博通六經居太學以直諒稱第進士除教海陵侍從薦開孝友累遷國子博士

陞監察御史論事慷慨首言百司欺罔及郡縣暴斂師將格冠之弊又乞風厲士大夫收用善類以為國本官終國子祭酒

蔡必勝

字直之平陽人乾道初中右科第一授江東

祀笏以客禮見召試為閤門舍人偉臣曾覲方

用事冀其附已必勝故不往出知邵州對辭論

擇方面人材天下大計孝宗異之曰觀卿一表

前程未易量也還帶御器械光宗在東宮聞其

不見曾覲歎息言佳士及即位擢知閤門事孝

宗上仙光宗不能喪中外洵憂禍起旦夕必

勝與趙汝愚定議立寧宗天下晏然必勝功最

韓侂胄方規專擅忌之出知廬州既鎮淮右遂

議浚熙河造戰艦大張聲勢以基

遠圖未就擢吉州刺史奉祠卒

蔡戡字定夫忠惠公襄四世孫居道陵調涿陽尉督

捕應格置弗言登乾道丙戌甲科持節過羊所

部十四郡歲以數銀為病戡代輸民甚便之陞

漕易湖南憲時李昂霄有異謀傳聞詢戡乘

其未定單車馳喻其黨相顧愕然首服寧宗朝
為京兆尹歲勞糴艱戡亟請賑民賴以濟侂冑
當國乃請老有
定齋集行於世

蔡茲

字光烈永春人紹興十二年進士歷官南恩守
秩滿除廣憲抗辭甚力遂掛冠歸築長奉書室

茲蚤以文學名嘗為朝廷措置大事他日必非尋
生三篇策皆欲為朝廷措置大事他日必非尋
常人乃朱
文公也

蔡摸

字仲覺元定之孫行甚高度甚夷隱居篤學一
以聖賢為師一時名士多師尊之嘗輯朱文公

之書為續近思錄淳祐中謝方叔
表異之以勸後學有旨補迪功郎

蔡曾

字子飛淹貫經史少為太學生至和中丞相劉
沆館之以訓諸生欲以郊祀恩例官之不就而

歸為南園摘花木山谷為
作南園記自號東郭居士

蔡齊基

字夢傳連州人年十九領鄉薦嘗著周易述
解九卷呂東萊見其書薦進於朝詩尤甚高

詞翰踔厲
自成一家

蔡抗

字仲節沈子兄摸號覺軒抗博通經史尤邃於
理學紹定初進士累官諸王宮學教授疏奏權

奸不可復用國本不可不早定帝善其
言累遷端明學士參知政事卒謚文肅

蔡志學

字及之新昌人淳祐進士初調興國主簿憲
使李迪愛其才檄入簽幕按法訊擬民稱不

冤秩滿調武昌節度掌書記再調太和令獨立
不撓剖決如流尋授清江倅未幾知高郵終朝

奉郎自號如心有集傳嘗題小如山廟云平生
事可對人說囊無一分關節錢寄語江神明著

眼好分風
力送歸船

蔡松年

字伯堅真定人父靖宋李守燕山入金為翰林學士松年自刑部郎中累官吏部尚書參

知政事遷尚書左丞封郕國公進右丞相封魏國公卒謚文簡二子圭字正甫中進士歷翰林

脩撰同知制誥改戶部員外郎兼太常丞關

幾朝廷制度多所定官至禮部郎中封真

定伯出刺維州致仕而卒所著有補正水經五篇南北史志三十卷續金石遺文跋尾十卷晉

陽志十二卷文集五十卷璋亦登進士第

元

蔡玄

汝南人學通五經門徒千人其著錄者萬人徵辟不就順帝時徵拜議郎講論五經同異遷侍

郎出為弘農太守

蔡珍

安陽人素驍勇從憲宗及世祖征伐所至有功南方平遂入宿衛後為親軍千戶佩金符時白

海初建行營命珍督役號令嚴肅卒事民不知擾世祖嘉之

蔡槐

饒州德興人僑居建康嗜讀書卓犖不羈工相術至元中召至京詔問休咎多驗授集賢學士

辭不拜歸
隱鍾山

蔡微

瓊山人通經史善文詞元末隱居不仕李思迪叙其文謂海南儒者未能或之先也

明

蔡子英

永寧人元季舉進士累官顯官元軍敗單騎走關中入南山有司以形求之械送京師命

釋之授以官不受退而上書大略謂臣之事君猶女之適人一與之醮終身不改事君之道一食其祿終身不二朝廷重之命館於儀曹忽一夜大哭不止人問故子英曰思舊主爾知其志

不可送
之出塞

蔡哲

字思賢武昌人始仕陳友諒為御史歲壬寅來
歸授江南行省理問陞右司郎中命往贛州招

諭熊天瑞天瑞偽夏明昇聘因挾畫史同往圖其
命往四川報瑞遂遣子入朝擢哲中書省參政

山川險易以獻後為侍御史以所舉御史犯法
被劾坐免官卒朝廷惜之命賜棺歸葬鄉里

蔡瑄

紫河人洪武中以儀禮司序班累官通政使出
納以公劾正爭謬百司肅然以養病還卒於道

計聞御製文以祭并
賜賻銀復其年三家

蔡詰

洪武中為福建參政廉明自持政事
以正風俗合民心為要民皆慕之

蔡誠

洪武中知鬱林州慈祥愷悌民心悅服值歲饑
發倉廩以賑貸不候報及卒百姓思之如喪慈

母

蔡運

南康人貢起家歷官四川參政清勁直諒不諧於俗罷歸復起賓州知州有惠政永樂後論不死

百姓憐而思之

蔡新

字日新永樂鄉試後父仲良為有仇所訛新泣誓不共戴天奮復之係冤獄者十年累疏於上

獲免卒業太學擢澧之慈利令慈地逼夷獠素號難治新鋤強扶弱德政所及苗民歸化丁內艱服闋改臨澧縣為政一如慈利吏民惠服民咸頌其德

蔡錫

字廷予鄞人永樂癸卯鄉試入胄監仁宗朝詔擇國子生有學者吳信等六十人命翰林院

嚴試之拔其能者二十人充近侍官錫與焉選授兵科給事中彈劾不避權貴陞知泉州府廉

慎勤敏孜孜為民樹長畫劇別宿弊興學校均
徭役奏除東洛山陽大橋三鎮戍兵公私便之
尤善摘伏境無盜竊民德之立祠配享端明陞
山東副使奉勅參贊宣府總兵軍務皆有異政
奉勅撫治湖廣大饑設法賑之賴全活者數萬
家尋乞骸骨歸蕭然圖書不持一物無買山之
資有賢山稿行於世

蔡雲翰

初名蒲字九節後改名雲翰大庾人宣德中
由進士初授工部主事以事誤謫廣西平樂

府通判行政尚簡靜平恕後陞福建按察僉事
持憲得體既謝政家居文學尤著景泰癸酉廣
西鄉試聘典文衡刻文取士時皆稱
善嘗修郡志采錄不遺足徵文獻

蔡麟

字文瑞陽信人天順
丁丑進士歷布政

蔡清

字介夫福建晉江人成化甲辰進士授禮部主事累官江西提學副使致仕薦起南京國子監

祭酒卒清明經傳學行潔心淳氣清色和外簡內辯與之論天下事治俗汙隆文章高下學術

邪正古今人品優劣事功立後當若何成敗一以禮義折斷蓋學識操履如介夫者不多見也

蔡彬

山西武邑人由太學生歷任勤能官至山西布政司左叅政有惠政及民

蔡暹

江陵人幼性沈靜成化辛丑進士知泰興縣有異政一人密謀殺叔母事無左驗累詰不屈時方晴而雷侍者股慄暹偶曰後跪者為誰其人驚顧即所謀殺者遂服人皆神之後陞太僕寺

卒

蔡潮

字巨源臨海人弘治乙丑進士歷布政

蔡天祐

字承之睢州人弘治末進士改翰林庶吉士累遷山西按察使時大同五堡軍叛殺撫臣

事聞於朝用薦擢右僉都御史巡撫其地既至乃集亂軍諭以朝廷威德衆志稍定會侍郎胡

瓚帥兵討叛衆疑懼乃以總兵桂勇賣已圍其宅天祐冒白刃而往救之復示以逆順禍福衆

悟泣懇天祐上疏為請戮其首惡脅從者弗問人心始帖然寧矣未幾進兵部侍郎召還民感

德為立生祠祀之

蔡昂

字衛中福建人正德甲戌進士歷官翰林學士禮部侍郎

蔡宗究

字希淵山陰人正德丁丑進士歷提學副使

蔡中孚

字信之德清人正德中進士以大理丞左遷同知寶慶廉明練達弊絕風清陞貴州按察

事會

蔡羽

字九遠吳縣人有聲庠校竟以貢授南京翰林孔目然非其志也故每自稱山人云平生好古

文辭有南
館集卷

蔡克廉

字道卿晉江人嘉靖己丑進士歷戶部尚書

蔡雲程

字亨之臨海人嘉靖己丑進士歷刑部尚書

蔡汝楠

字子木德清人年十八舉鄉試十九登嘉靖壬辰進士授行人年封王轉員外郎政務必舉

究極經史楊確古今而文望亦日以著尋由歸德補知衡州衡僻居湖南百務簡陋楠相度事

宜興舉廢墜是時士子局於風氣文習未昌尤
惓惓考校若師生然盡日而止凡有實論彙成

二書名曰衡襄問辨五經臆說海內文士皆宗之陞河南巡撫都御史百度貞肅羣吏帖然擢兵部團營侍郎轉南京工部侍郎卒於留都楠資稟卓異氣格不羣精於詞翰文宗西漢詩駕盛唐所著有白石文集行於世白石類藁籌邊要略天文輿地等書

蔡駿

字天章寧晉人嘉靖丙戌進士授行人選御史剛直敢言與楊爵等同繫獄罷歸居家教孝悌

教授生徒修學廟置膳田三十頃以助貧生婚喪置三小學贍田舉行鄉約以教子弟養濟院義塚各捐田數十畝以恤孤獨淑行種種人稱浚濱先生

蔡樸

字子初滄州人嘉靖甲辰進士任御史

蔡完

字人備黃陂人性孝友重義厚倫自幼甘貧閉戶讀書年二十中嘉靖甲午鄉試歷二十三載

未嘗干瀆有司第丙辰進士初任蘭谿令釐弊
貞度撫民潔已秋毫不染以賢能徵百姓願留
補御史赫然有聲尋卒於京橐無私積僅存匹
絹一時同官莫不哀悼相助有差輟歸不能殯
巡撫趙賢以
贖鍰助葬

父 天水商音齊大夫父孔之後又望出隴西河南

周 父君 岳州雲岳山昔父君居
之石崖壁立有篆文

漢 父銓 東平
太守

父伯 孝
廉

北南 父涇 牙門
將

唐

艾敬直

北平人
侍御史

宋

艾穎

乾德初上命擇廷臣穎
中首選以工侍致仕

艾預

真宗朝赴鄉舉忽遇一村儒曰此行登第矣有
書一卷授君乃左傳第十冊曰宜熟此取富貴

會李愚知舉試鑄鼎象物賦事在卷中
一揮而就遂擢甲科後官至戶侍致仕

艾宣

鍾陵人工畫花竹翎毛孤標雅致
別自風格東坡有詩詠其畫四幅

艾仲儒

至道中兩浙運使劉文質入奏部內官有艾
仲儒高輔之李易直梅詢高貽慶姜嶼咸綸

等八人有治跡
竝降璽書褒諭

艾與言

沂州人元
祐登科

艾晟

字孚先真州人登崇寧二年進士授杭州仁和县尉政和六年試宏詞中一等明年擢秘書省

校書郎兼編修六典文字一時同館若汪藻何棖胡松年孫覲皆當世名士咸見推許未幾補外歷倅隰澧越三州所至有聲終考功員外郎

艾若

諤尤惡鄉胥之舞文故嘗大書座右屏上曰愛民如恤血撻吏勝看經棒折鄉胥手何勞誦大乘觀此則他可知矣

艾慎

幾與林邦翰俱獲譴監杭州酒庫閩人陳善謂其語不及榮利無不遇之嘆不足之色蓋亦

恬於進取者

艾君瑜

永豐人性至孝母疾革刲股和藥以進病果愈母喪廬於墓側崇觀中郡守以聞詔復其

家

金

艾元老

歷澄城淳化兩縣令
寬而能斷嚴而不苛

元

艾易

字仲和至正初父坐事編遠請代得還子二濟
達析居時濟以達多子推多與之達辭不獲已

乃受他日達以濟貧復還所謀濟曰既與復取
非義也達計其值密付濟子其孝義相傳如此

明

艾旭

江西寧州人
洪武進士

艾瑛

隴州人永樂中人才舉授
浙江右布政使才能著稱

艾鳳翔

吉水人永
樂進士

艾彭

潮州同知廉潔如水處心公恕嚴課學
校歲早禱雨輒應滿去民皆擁道留之

艾福

字天錫襄陽人天順庚辰進士授監察御史按

山西浙江並著能聲擢光祿卿上疏斥異端省

供餼坐繫獄奪俸後進禮部侍郎仍署寺事乞
休福習世故通達有識晚在尚方受侮力辭人
多是以是

艾傑

字世英崇陽人少為諸生知府秦夔以絕田百
畝濟其貧傑不受成化丁酉鄉舉授四川江安

教諭每晨衣冠坐講不懈不問東脩諸生不能
婚者助之力變文體聘修蜀志擢成都府學教

授舉行冠婚
禮著崇陽志

艾璞

字德間江西人成化進士累官右副都御史詔
求直言陳修德六事皆人所難言勲闕與民

爭田勘實悉歸之民忤瑾
逮獄戍嶺海瑾誅致仕

艾洪

字德裕弘治丙辰進士歷參政

艾希淳

字次伯陝西米脂人嘉靖壬辰進士歷官兵部侍郎

艾樸

字子文永豐人嘉靖乙未進士任御史

嘉靖壬戌進士艾杞陝西米脂縣人歷僉事嘉靖壬戌進士艾可久上海人御史歷知府

賴康

字音春賴國其後以國為姓又望出南

漢

賴宣

交趾太守

三國 賴文蜀

零陵太守

賴斐

字忱甫雋都人七歲能文弱冠通九經百氏乾元中舉進士拜崇文館校書郎不就退居田里

人稱其居
曰秘書里

賴文雅

光祿少卿

宋

賴紱

字冕仲清流人紹興中為程鄉尉會盜起運
謀招捕境內悉平累遷鎮南軍節度使推官又

改京秩知
南劍州

賴仙芝

紹興間東坡詩序云正月二十四日與兒子
過賴仙芝王原同游羅道院及西禪精舍

賴好古

紹興中奏事行在上曰布衣賴好古上書言
虔賊事頗有理趙鼎奏云大槩以招安為非

賴克紹

登進士

賴夢符

與弟夢泉同
舉慶元進士

賴文進

注布衣善地理四星

元

賴祿孫

寧化人延祐間賴寇作亂祿孫負母挈妻子入山寇至祿孫守母不去寇將刃其母祿孫

以身蔽曰寧殺我毋傷我母時母病渴乏水祿孫含唾哺之盜竊窺相顧駭嘆不忍害有掠其

妻去者衆盜責曰奈何辱孝子婦使歸之事聞旌表

明

賴原裕

洪武間章邱縣丞治政優游潔已愛民凡因公出鄉必量地遠近裹糧而行

賴永亮

長汀人洪武中以人材任淳安知縣廉能公恕綽有令譽

賴天賦

福建人洪武初任興寧主簿屯兵於龍母砦出與賊戰敗績追至馬公坑執之因不屈而死

死

賴瑛

字世傑廣昌人永樂進士為御史剛直明亮遇事敢言激揚善惡允愜輿情憲度肅清累官叅

政

賴禮

字同文南康人永樂進士歷武功興寧沅江知縣廉介不阿所至有稱卒於任民哀思之有詩

文集傳於家子懋顯貢任海北副提舉

賴巽

字遜志廣昌人永樂乙未進士歷按察使

賴世隆

字德受清流人宣德進士為翰林編修正統間沙龍起發世隆自乞協同寧陽侯討賊鄉

之邦賴

賴正

錦衣衛人天順進士

賴先

字伯起永定人正德進士拜戶部主事收倉糧不避權貴查屯田豪右斂跡忤瑾罷歸尋陞常

德知府時方建榮府中官誅求甚峻則又痛加裁抑志不得伸遂告歸以行誼率鄉人以學問

淑後進以孝義教子孫以家禮變時俗人咸以碩德稱之

嘉靖己未進士賴嘉謨永豐人歷知府

貝清河宮音古有賢者貝獨坐今吳越多此姓

漢

貝瑗

元城人以預誅梁冀功封東武陽侯食一萬五千戶

晉

貝靈該

術士

宋

貝欽世

上虞人知江陰縣縣有運河湮塞已久欽世欲浚治之大家著姓爭捐金為助不踰月而

成

貝自成

嘉定進士

貝良金

嘉熙進士

貝寶

常州人登科

貝斗南

嘉熙進士

貝斗山

淳祐進士

貝良臣

嘉熙進士

明

貝瓊

字廷琚崇德人居父山博覽經史尤工於詩洪武初徵修元史累官國子博士所著有清江文

集

貝恒

永樂中知東阿縣甚得民心在縣十餘年歲無不登有薦其堪任風憲者者老百餘人詣闕乞

留從之後卒於任鄉人士女日會哭者數百人

貝翱

字原翬瓊子弟翱字原憲翔字原舉皆以明經薦翱任知縣翱任都司經歷翔任中書舍人

貝秉彛

浙江人永樂進士

貝泰

金華人永樂舉人國子祭酒

貝守正

鄞縣人永樂癸卯舉人

貝昀

上虞人舉人景泰間任清江教諭

貝春

三原人舉人正德
中監利縣知縣

藹

於蓋切見姓苑

漢

藹

平陽
太守

太

咸陽徵音文王四友太顛之後

周

太顛

賢
臣

五代

太相溫

石敬瑭將

明

太溥

臨桂人洪武中
任文昌縣知縣

大

廷氏之後見風俗通

大戊午

趙相肅侯游大陵出於鹿門大戊午叩馬曰耕事方急一日不作百日不食肅侯下車謝

大款

顓師帝

大撓

黃帝臣

大填

大山

黃帝師

漢

大利

善琴

大專

見印藝

南北大連

揚州刺史

欽定四庫全書

遼大康義

善於撫綏東部懷服嘗言博囉滿達界多渤海人乞取之請從康義領兵至

大石河馳準城掠數百戶以歸

大公鼎

率賓人咸雍中進士累官興國軍節度副使徙長春州錢帛多提點後為中軍留守所至

皆有善政
時稱循吏

金大臭

一名托卜嘉遼陽人從侵宋屢有大功封太傅漢國王及卒海陵親臨哭之贈賻甚厚贈太師

晉國公

元大懷真

字子正世宗大定二年除洺州防禦使兼押軍萬戶

明大有

永川人洪武四年達安縣知縣修理廢墜撫民有方

大崇

隴西人宣德舉人
任石樓縣知縣

大心

遼東馬州衛人正統
中山西懷仁縣丞

鄒

房姓鄒仲之國子孫以國為氏又去邑為會氏

宋

鄒士隆

進士

鄒唐

越州人

柰

見姓苑

明柰亨

直隸人宣德進士
戶部侍郎

柰永禎

鳳陽人成化舉人
任陽穀縣教諭

會 世本陸終第四子會人之後

漢

會 栩 武陽令

明

會 同 高昌人正德中任雲都丞

泰 見姓苑

漢

泰 史林 成帝時為將軍

明

泰 行實 福寧人正統間任安遠知縣

泰 穀

鈞州人正德中湘潭縣知縣

泰 郎

中部人嘉靖中任蒼溪縣主簿

帶見姓苑

周帶佗秦相

頤音類見直音

漢頤元交州刺史

蓋居太切又作入聲

漢蓋黨見印

明蓋天麟洪武二年知興化府時天下為混一天麟既定郡邑公署重新廟學乃更政事變風俗功

澤及人至
於今未泯

沛 吳興宮音見姓苑

兌 見姓苑

最 見姓苑

祓 見姓苑

禕 音背見姓苑

荀 音快見直音

萬姓統譜卷九十七